

寧國府志卷十七

宦業列傳

宣城宋李含章少隱居土山好學工文嘗讀書僧舍每風月良夕輒吹鐵笛吟嘯自若識者異之登太平興國庚辰進士廷試春雨如膏賦太宗覽之稱善遷屯田都官員外郎歷知祥符召對賜五品服充三司度支判官改判戶部歲計充羨奏免諸道供輸一年尋謫監朗州鹽酒稅祥符末起知道州判三司乞便郡出知本州政崇簡易訟獄大省

二年罷涇人凌策代含章以戇直被罪益高放嗜
酒尚羊山水哦詠自適仁宗卽位起知江陰軍郊
恩賜三品服引年不許命知州江嗣宗津發之官
數月卒含章猶公潔已歷號稱職者有僊都集五
卷孫~~先~~先字介叔以含章任爲太廟齋郎歷虞部
員外郎判池杭州改朝散郎賜三品服勲上輕車
都尉卒孝先少力學疎財修義家無餘貲葬從祖
以下十餘喪所交如李泰伯楊次公郭功父皆當
世名士詩篆琴棋並登妙品著有柯山集十卷

施元長字景仁父渙居石~~門~~有萊林亭梅堯臣
嘗爲賦詩元長該博雋朗登天聖丁卯進士調饒
州推官歷太常博士屯田員外郎遷兩浙提點刑
獄行部越州論鑑湖不可爲田利害甚悉治平中
代唐子方知洪州初建學校定章程務以德義鎮
俗與子方並稱賢守累階兵部郎中卒子緯知循
州結知吉州

趙稹字表微其先單父人後徙宣城擢進士第嘗
以大理寺丞知崑山歷遷侍御史尚書兵部員外

卽益州路轉運使真宗諭曰蜀遠而致亂其利害
朕所欲聞卿悉條上之祇附常奏毋著姓名稹數
言部中事至一日童數上蒲江縣捕盜不得逮平
民楚掠誣服稹行部馳入獄問得寃狀悉縱之遷
工部郎中召爲侍御史歷糾察在京刑獄慎從吉
知開封子鈞銳受賕事連錢惟演稹與王曾白其
姦從吉免惟演坐罷改三司鹽鐵副使擢右諫議
大夫集賢院學士知益州度支帑六千匹計歲
織裁千餘匹稹止以歲織數充貢乂之謫知同州

徙鳳翔京兆府累遷刑部侍郎天聖八年擢樞密
副使遷吏部侍郎童獻太后崩罷爲尚書左丞知
河中府遷禮部尚書太傅致仕卒贈太子太保謚
僖質稹愿樸寬重少好學吳太府卿田霖居郡中
有風鑿以女妻稹其遷吏部侍郎也命出官掖云
由稹厚結劉美人家婢見哂于時

楊興字器之少篤學第天聖庚辰進士歷太常博士
員外郎知袁州衢信二州民爭水利傷人委興
決之興曰衢故當上流水所自出然衢民類泄水

外河溉不及信爭繇之起其著令先衢而后信訟
遂平歷知舒州以朝請大夫守光祿卿致仕爵原
武縣男與劉敞善敞嘗爲手書其先世碑楊佐進
士及第爲陵州推官累遷江淮發運使天章閣待
制判都水監皆有能名英宗時使契丹道卒詔護
喪歸賻黃金卹其家

王知微字幾之唐中大夫仲舒後父慶長以知微
貴贈金紫初卜居黟舍傍教之學知微少英偉不
凡父奇之曰是子尤起吾家登慶曆壬辰進士調
潭州司戶叅軍知新城監信州鹽場不就改著作
佐郎僉判賀州採鉛錫資鼓鑄歲增課至百萬遷
秘書丞知當塗時築萬春圩工役甚急知微請俟
農隙使者始不悅又乃信重之遷屯田都官職方
員外郎通判潭州荆南府龍州累遷都官郎中朝
請大夫賜三品服知微與王安石同舉進士安石
嘗問當世法度沿革知微一無顧望唯言士去就
有命名器非假人物也坐是不進用時已再歷治
中別駕最後倅龍龍去鄉僻遠而無恨意尋告老

致仕知微謹厚長者當官有守所得俸均給內外
家無餘蓄著有詩集二十卷第知章登嘉祐丁酉
進士子良肱良傳良儒良肱子鑒尤力學能文登
熙寧癸丑進士歷江寧南陵令皆有惠政遷南京
簽判階承議郎

王荐字繼道好學工文辭從蔣之奇遊登熙寧丙
辰進士歷雄州防禦推官知閩清元豐末知歙縣
專務勸學興起教化特行差役法荐下令應戶以
一人受書則免其役方受書者輒延坐抗禮富者

射役庭下太以爲耻由是人人競勸學徒日衆松
竹令解曰歲寒荐日哦其間獄訟大減蔣之
奇爲作歲寒亭賦其畧云遵教條布慈惠已逋責
寬徭稅斥陪歛之自爲寢貨財之末議射利無猛
鷲之發除奸息犬龐之吠吏絕侵穴人無淹繫以
至道遺莫拾戶關不閉訟庭則丹筆不施學市則
青衿聿至其用心亦可槩見矣時蘇轍宰績溪荐
並與課最轉奉議郎卒微志有傳

韓元龍字子雲以高祖維恩澤補將仕郎歷西京

中嶽廟餘杭簿天台令縣久不治賦入無籍元龍
悉力區畫至忘家事有疏豪猾姓名來訟者謝不
納曰一入耳郎不以善良待之彼何以自新聞者
感化秩滿賜對除司農主簿論屯田利病及權場
互市責任不一加直秘閣擢戶部員外郎除寶文
閣江東副使召爲司農少卿進右司農卿請外加
直龍圖閣浙西提刑引年奉祠卒元龍性淳孝未
嘗輒去其母左右與弟尚書元吉友愛甚篤並以
文學顯時率比坡穎云

章元任字莘民登紹聖甲戌進士調蘄州黃梅簿
歷溧陽令歲大水道壅相壅元任丐糴于官諭大
姓出粟芟舍煮糜飼之御史周武仲以狀聞差充
察訪司主管文字累官朝奉大夫奉祠卒元任有
幹畧徇翔州縣四十餘載不盡其才然無不足之
嘆時方亂元任考終牖下世以爲無恨焉子壽字
彥溥以父蔭補廬州戶曹歷刑部員外郎大理少
卿坐里人章夏被論罷起知復州召還再免復起
知蘄州爲政寬平不擾蘄產笛簞例充苞苴壽悉

斥去之提點湖南刑獄全州將兵劫守臣爲亂靈
諭遣其衆獨誅一二始謀者楊萬里以京職薦乾
道初除大理少卿拜刑部侍郎燾練習條章每議
獄傳以經術時論推其平允孝宗亦嘉歎其不觀
望云以疾奉祠加集英殿修撰治圃南山下逍遙
杖屨酒酣賦詩屬其子及賓客和之年八十二卒
楊萬里爲撰誌銘子十人綱純並擢進士

陳天麟字季陵幼警悟日誦數千言年十八預鄉
薦紹興戊辰擢進士第調廣德簿歲饑乞歸

請代爲郡將書計部使者得粟數千斛召對稱吉
除太平州教授未幾以國子正召遷太學博士歷
將作監丞遷太府丞累官集賢殿修撰由饒州改
知襄陽修治樓堞募忠義冲浚古省河察城中奸
細誅之朝旨嘉獎改知贛州時茶商寇贛吉間乃
預爲守備民恃以安江西憲臣辛棄疾討賊天麟
給餉補軍所俘獲送贛獄者餘黨並從末減事平
棄疾奏今成功實天麟方畧也治郡不用威刑訟
亦清簡未幾罷復集英殿修撰卒天麟豪爽重義

尤厚鄉曲尺牘多親劄詞旨粲然晚益苦學著有
易三傳西漢南北史左氏綴節梅許昌公年譜詩

三千餘篇號櫻寧居士集

十五人木禾積格植

李兼字孟達少能文嘗賦學士詩楊萬里見而許
之歷知台州有惠政嘗輯州先獻詩譙天台集自
為序卒于官吏民為之巷哭罷市祠名宦所著有
雪巖集益孝先曾孫也見陸游李虞部集序

林宗放字問禮貌古而莊不安言笑里中以孝友
稱入太學登淳熙丁未進士廷對激切校官至弗

敢置七列

文和

大奇之請授潭州教授改通

州為有舊刊

陳集錄載帝惇奸狀時惇之孫為

守欲去其版宗放執不予調太平州四方來學至

數百人宗放升堂辨析發揚至理士皆契慰歷改

知蘭溪往大姓熱衷為奸述賦歲不下數萬宗放

摧折豪強吏曹昇氣邑號大治部使者章良肱薦

于朝時相驚曰此余所未同登也尚在常調耶欲

處以館閣不果授廣州通判番禺海船例有私獻

却不受乞祠致仕自號拙軒老人詩文藻贍如筆

諫等以役人傳誦之

元陳良弼字公輔少辟憲史有聲爲嘉興路教授以廉吏稱修學官費鉅萬計一委有司部使者稽出納調上元簿坐抗直自免後以承事郎旌德尹致仕前寧國路錄事吳師道稱其才足以集事辯足以服人知足以自衛審時知要動中機會衆謂其知言

國朝張椿字德茂洪武元年山中書曹掾知鄒平時齊魯初定民物凋敝脩政務大體創學校建公

署崇祀典旌孝弟士民德之祀名宦見鄒平志

魏資敬字之觀宋叅政良臣後洪武初以通經薦授棗強丞有政譽秩滿入覲擢監察御史以敢言稱後謫戍夔州歸故里卒資敬負才畧重名檢尤不惑于流俗云

芮麟洪武中由國子生累官知台州府明習政體吏民仰之嘗誥誤被逮父老泣送境外或遺以金一無所受移守建寧政蹟大著

吳原順字師程昶勝六世孫洪武庚戌以明經辟

司訓郡學遷國子學正博士致仕壬午典江省文
衡 詔特宴守官如故預修永樂大典賜歸卒仲
子讓字尚謙由洪武壬申貢授刑科給事遷湖廣
副使罷宣德改元徵授鄱陽令卒所至有聲

王士謙字孟益有材行洪武初以司訓辟所陶鑄
多名士應召修永樂大典自號竹西翁著有集

秦達洪武甲子貢歷工部侍郎 國初定輪班匠
法驗其丁力更番輪作三年爲班三月而代議就
未行十九年夏遷請如前法量遠近爲班次因置

之勘合當期齊詣工部候撥復其冬徭役者
爲令諸工匠便之後遷本部尚書

戚遜字彥志少習學有違節洪武庚午貢授兵部
主事未樂中歷山東叅政歲饑流移載道請于

朝未報輒發粟賑之民賴全活者十餘萬 詔獎
賚遷交趾布政引年歸卒

盛璞字玉夫東鄉庾林人性剛方負氣能文永樂
初由國子生除寧波府同知擢南京戶部郎守黃
州廉愛有德政歷官二十餘年所至不攜妻孥惟

行橐二肩馬僕各一而已

貢璧字廷器師泰之裔景泰癸酉領鄉薦選授監察御史凝重沉毅可肩大任成化中抗疏言星變憲宗特識其名于御屏命巡視南畿江防江寇往往出鹽徒中貴人多冒禁者璧持法畧不少貸裨身廉節無異徵時嘗因公事過宣鄉人以官稱之語但呼九秀才遷浙江僉事卒

劉恕字宗行嶺之後由國子生知武城有惠政當滿士民詣闕留任者又三年增六品秩調公安自

灘地選逮七十二家久不決論爲調停奏上之改

刑部左侍郎奉詔推治博野慶成二王獄稱

旨降勅獎諭累官至右都御史致仕還宣城歲餘

卒贈太子少保子乾幹並領順天鄉薦乾仕至南

京戶部員外郎遼府長史幹南京大理司務韓受

陰爲卽墨知縣著有出巡錄憲臺奏藁棘臺駁藁

敬亭文藁

張本由國子生除開封推官正直方巖動必循法居官以廉謹稱旣歸家無餘貲鄉人重之正德中

有管文舉字時英性醇謹笑語不妄由國子生除
桐鄉丞卓有志操近俗丞稱上官卑諂非禮文舉
耻之棄官歸鄉稱長者

唐羅立言父名歡貞元末登進士第寶曆初歷
檢校主客員外郎鹽鐵河陰院官二年坐糶米
不實計贓萬九千貫鹽鐵使惜其吏能罪止削
所兼侍御史太和中爲司農少卿主太倉厚賂
鄭注李訓因重之訓將竊發須兵集事以京兆
府多吏卒用立言爲少尹知府事訓敗坐族誅

貶長安令孟瑄硤州長史萬年令姚中立朗州

長史以捕賊官受立言指使故也見舊唐書本

傳舊志云立言爲陽武令遷河陰始築城當築

處率爲富人太賈所據乃下令畫地使民自
築民彈其嚴數旬而畢因設網絕汴流姦盜
屏息後由廬州刺史召爲司農卿史並無載

論曰士之仕也行其志也必居有紀綱之志而後

其出也以俶儻之材樹業偉麗吾宣諸君子崇庠

徵鉅不必其同均之展采宣猷按職奉令者也庶

幾靖共爾位不負所志論尚友者其可以取則于

伐柯哉傳所列敘取故志有存者稍潤益之羅公

唐書有傳考而列焉志實也趙表微載在宋史及
吳志張德茂得之鄒平縣乘秦尚書事考之薛氏
憲章錄故爲補遺近代諸人卓有可稱者多闕世
未久例不立傳選舉表中瑕不掩瑜並者其略以
俟定論其以它途仕者二人一爲梅州倅繼儒由
胄監仕吉永豐亦厲操舉職八年一日其督州清
覈利民有邑人聶給事靜爲傳祭酒鄒文恭公可
益序之建學興文見聶尚書豹記諸所舉數人果
撫都御史宋公儀望嘗爲作政傳皆實錄也

刑刑官遂兼歸卒後二十年宋公行部立石于其
葬處題曰廉吏之墓示爲餘姚生銜劉希賢由掾
任清節顯白政有遺愛其邑人督學御史周如斗
令郡邑列祀鄉賢嗟嗟亦若流之錚錚矣表不得
與故備述之俾來者有攷不湮沒云

傳陵宋方懋德字元相宣和三年由胄監調鄂州
曹改武康尉有丐者死於邑富人沈氏門或以
誣沈獄具懋德辯釋之用薦移晉陵丞改冷錢塘
砲科磚五十萬懋德持不可立廷下訖不去卒罷

會使者按畿邑箠杖不如律者罪邑佐懋德言此
令罪請自坐佐例得免後知廣德軍未赴卒著有
雲溪野老集

楊若字文先少孤力學紹熙元年登第授長陽簿
歷羅江丞漢陽軍司理知祁縣以明恕稱歷大理
司直軍器監丞天府寺丞知全州興學敦義創賑
濟倉減輸和斛然有惠政豪民黨橫輒以法繩之
移信州召爲大宗正丞遷都官郎進朝議大夫直
寶章閣致仕

國朝于鉉字永特永樂中舉楷書入書監孫戶部
主事歷兩浙都轉運使以廉能稱正統甲子賜
襲衣格脩宴禮部旌異之累遷刑部左侍郎致仕
卒

范懋字士勉一姓方永樂三年由舉人授河西令
遷隰州同知政廉明人不敢犯以包孝肅稱之既
去爲立思廉亭宣德中有秦銘字日新新美鄉人
由國子生任陝西知州廉平有聲巡撫中丞耿九
疇薦擢本省參議在任三十餘年清介一致致政

歸杜門養重其清風至今猶可仰焉

宋董必字子彊從王安石質諸經義爲安石稱

許登進士第紹聖中提舉湖南常平倉時相章

惇方寬衆君子罪孔平仲在衡州以倉粟腐

餽咸損價發之必劾其戾常平法置鞫長沙以

承惇意無辜多繫死平仲坐徙韶州惇與蔡卞

將大誅流人遣呂升卿往廣東必往廣西哲宗

既止不治然必所至猶慘刻立威爲五書歸奏

除工部員外郎中書舍人郭知章封還其命詔

以付趙挺之權給事中陳次升復封駁不下必

訟知章次升爲元祐黨以不當訟言者出知江

州改湖南轉運判官提點河北刑獄召爲左司

員外郎初舒宣守荆南許云徭人歛附必益與

謀及宣卒加必直龍圖閣往代城通道等六砦

置靖州折博市易移飛山營戍公私煩費荆人

病之進集賢殿修撰顯謨閣待制卒贈龍圖閣

待制見宋史本傳

舊志云必知荆南多建堡寨以張控扼之勢溪洞諸蠻由是不敢爲寇以功再任與史共

劉拯字彥修宣州進士及第知常熟有善政縣人稱之元豐中爲監察御史歷江東淮西轉運判官提點廣西刑獄紹聖初復爲御史言元祐修先帝實錄司馬光蘇軾門人范祖禹黃庭堅秦觀竄易增減誣毀先烈願明正國典又言軾貪鄙狂悖嘗議罪抵死先帝赦之醜詆厚誣策試及莽操事四方忠義爲之寒心時祖禹等已貶軾謫英州而拯猶驚視不愜也進右正言累至給事中徽宗立欽聖臨朝而欽慈后葬大臣欲用妃禮拯曰毋以子貴當改園陵爲山陵又言門下侍郎韓忠彥雖以德選然不可啓貴戚預政之漸帝疑其觀望黜知濠州改廣州加寶文閣待制以吏部侍郎召選帝以議欽慈事進兩秩遷戶部尚書蔡京編元祐黨拯言漢唐失政皆分朋黨不若定三等以事爲上中下而不斥其名氏京不樂又言戶部月賦入不償出京益怒徙之兵部旋罷知蘄州張尚英入相召爲吏部尚書拯已昏憤吏乘爲姦左轉工部

以樞密直學士知同州坐侍御史洪彥升論罷

奉祠見宋史本傳

郡志舊無載南陵志頗謬實

涇宋劉琦字公玉父湜景德乙巳進士仕屯田員

外郎太子贊善本宣城人徙涇川琦少彊學慶曆

丙戌登第調分寧簿移鍾離令大姓陳氏子殺人

誣平人求免琦得其賂於死者家出之歷績溪舒

城清約不擾邑人思之累屯田員外郎簽書寧國

軍判官改都官員外郎熙寧初召爲侍御史會城

綏州羌數入鈔畧高言棄之便又論皇族推恩無

紀請以禮降殺之浙西漕渠役甚小使者侈其功

獲遷被旨置獄東南官吏惴恐琦按首謀者一人

而已朝議韙之及論王安石挾術媚上私意用人

變法不當凡十事因指斥曾公亮趙抃畏辟固寵

今河北地震天下水苗星辰晝見皆繇其罪坐貶

監處州鹽酒稅琦與劉述錢顛以譴行汎舟東下

留連山水酣詠爲樂改職方員外郎判鄧州階朝

奉郎按獄唐州致仕歸卒琦立志峻潔銳於爲義

家無餘貲琦亡諸子猶借屋以居後並顯

昌永字禹功初以三舍法入辟廡靖康中虜犯京師永倡義諸生不屈朝廷嘉其節補進義校尉紹興癸未以特奏名第一累遷太常寺丞出爲湖南叅議改淮東致仕卒

梅成和字德修本宣城人後徙涇川父宰嘉祐三年進士調涇縣令判大名府成和紹興二年登第調江夏簿時朝廷遣岳武穆討楊么于洞庭安撫使劉道守鄂渚成和徒步之官劉亟嘉賞令督軍儲掌箋表多所裨助賊平授太湖令賑恤流移與崇學校嘗取唐人父慈子孝兄良弟悌夫義婦聽長惠幼順君明臣忠合於十義者繪像刻石以示化焉

國朝梅奇洪武間任安陽知縣能救荒愛民民思之見彰德府志

王著字有輝大成都人由監生除浙江按察司經歷廉能著稱嘗巡溫州州久旱著禱雨輒應慈谿虎爲害著誠禱神虎自斃而民遂安累陞雲南按察司副使

趙昌字鳴盛登景泰甲戌進士歷官戶部郎以忤
中貴謫長沙同知時洞寇竊發昌至悉平之成化
初復爲戶部郎值蘇松災旱昌奉使檢覈奏減秋
糧三十餘萬民困以蘇累遷山東左布政卒
程富字好禮南隅人由舉人初任浙江按察司照
磨湖廣按察檢校所至有聲正統初學士楊榮薦
爲御史提督京輔學政沉毅敢言秩滿歸己巳之
變京師戒嚴言者以知兵舉召至京出爲廣東按
察僉事仍督學校尋致仕終

寧國宋王平字夷中家貧力學熙寧九年進士補
鞞畧尉邑民與寺僧爭水利不決州以委平平曰
水源出於寺寺所利者磴礮耳民所資者畎澮利
在養民竟與民焉嘗驗斃死者曰尚可生頃抹之
果甦其蒞事精審多類此移盱眙江寧召試教官
未行卒寧國士發科自平始
章夏字彥明入太學預開封府薦第一登大觀三
年進士調宿州司戶叅軍歷潭州通判所至有惠
愛然不事表襮故人少知者性至孝習禮記尤嗜

西漢書著有湘潭集十卷第復字季常力學好修
宣和六年登第擢上元簿調丹陽令修練湖躬爲
督役民不告勞轉運使蔣璨稱其能改宣教郎常
州教授歷監察御史右正言拜諫議大夫御史中
丞紹興中以端明殿學士簽書樞密院起知太平
婺州奉祠卒復所至爲政雅以廉謹惠愛稱曾孫
桂舊志誤亦登第除太平州司理與守爭囚是
非拂衣歸后終餘杭丞

虞儻字壽老父璠隱居西山個儻尚氣節有高遠

風士大夫過西山者必式云儻隆興初入太學舉

進士歷知績溪與本邑鄰食飲服用悉取於家諸

司列其治狀除主管官誥院遷宗正寺簿太學博

士國子監丞擢監察御史排擊貴近朝紀肅然出

爲浙東提刑知廬州湖州一作湖州推行荒政多所全活遷

淮東運副所至有聲召入太常少卿使金累官兵

部侍郎奉祠卒儻孤介不苟仕久于外未嘗介意

著有尊白堂集二十四卷第佃亦能詩仕欽天監

丞子衢衡術並仕

奚士遜字謙之與兄士達同舉淳熙乙未進士累官至大理卿會韓侂胄死史彌遠議起大獄士遜曰廷尉天下之平泥胄誠奸邪若欲加以大逆非士遜所知由是忤旨罷歸子祝舉進士佐郡邑有聲次槩累官常德守孫淡補房陵尉士達字必達弱冠入太學舉進士教授復州改知績溪縣以風化爲務除提轄左藏庫簽書淮南判官致仕初士達與同舍郎四明沈煥講習禮經遂相勉曰曲禮毋不敬大學毋自欺皆當終身行之卒不渝其言

晚年日相羊石門別墅尤蕭然物外云
饒虎臣字宗召太師良傅子嘉定七年進士歷遷秘書著作郎兼權右司郎官司農卿直龍圖閣歷太府卿秘閣修撰兩浙轉運使禮部侍郎寶祐六年兼國史實錄院修撰攝吏部尚書拜端明殿學士同簽書樞密院開慶元年同知樞密院事兼權叅知政事景定元年拜叅知政事殿中侍御史何夢然論罷以資政殿學士奉祠復論罷四年詔敘元官卒史謂其未見有卓狀可稱者云子鍊鋼鉉

孫澈浚並補官

舊志云虎臣舉進士歷澧州推官魏了翁一見奇之薦于荆閩辟京

西安撫司幕累遷司農少卿兼知建寧府被命就道大雨彌旬虎臣憂曰民其魚乎到郡分遣官吏撫輯之所全活者數萬人在郡勤心庶務興學校增城壁節冗費府藏積至五十餘萬卒之日無以爲葬至鬻賜器

胡伯虎字用之總角以詩賦應科有聲長從呂東萊游兩預鄉薦推恩授迪功郎白鹿山長登淳祐

丁未進士除和州防禦判官第奉虎用虎死三年

同舉進士季虎字景召累官徽州倖權發遣桂陽

軍初被旨奏事行在甌陳大學之旨仲舒正心之策上賜嘉獎用虎太府少卿

旌德宋汪齊字子思性沈篤好學登慶曆丙戌進

士調平江簿歷知靖安沈丘弋陽所至有惠愛知

昭州累遷秘書丞太常博士屯田都官員外郎熙

寧初行青苗助役法齊詣朝堂言不便狀王安石

怒曰此法自便民獨公無并之家計非便爾齊家

素殷故安石以此折之久之出判池州轉屯田郎

致仕州守聞其賢中車招致齊日與登覽賦詩甚

適蘇轍過宣與齊遊因和守侯利建詩云經過已

足知公政嘗見車中有老人謂齊也齊性坦率歸

二十年與野老往還爭席人忘其爲顯者云

早歲有日

者程修象謂齊君年四十始得官仕至正郎頭負郎尾壽九十三後皆如所言

鍾清卿字表臣太平鄉人登嘉祐戊辰進士調新淦簿尋調長葛薦擢潭州觀察推官以清謹著擢長沙五邑並有善政改歙縣令吏民畏愛熙寧初清卿法當徙遠官江東使者請留不許徙汀州寧化縣罷尋復令分宜治如一邑秋滿邑民乞留不獲以覃恩調漣水令告老歸清卿性和易政尚嚴明歷典四邑皆期年而理晚歲家居有法長幼敦睦弟淳卿嘉祐中以明經第除臨江軍司理

汪汝則字叔方嗜學能屬文宣和初除蕪湖丞以助平方臘功改衢州士曹遷承直郎秩滿判紹興府以不附秦檜守祠起知信州徙衢州並有聲時臣僚有登對論郡守人才者上曰使人人如汪汝則何患不治尋以疾可歸

汪燁字晦之穎悟力學淳熙中舉進士倅江陵郡郡有三海八櫃恃爲險固豪右據以爲田燁力復

之時券法初變燿乃流通錢幣又築寸金堤以捍江政蹟甚偉稍遷監左帑輒棄歸時論惜之著有讀史手抄雜著二十卷子璩字仲高以父任補浮梁尉督餉淮南禦寇薦授都昌令政最轉淮西提管分司糧料院後辟淮東安撫叅議

太平宋李材字達才宣和三年虜圍太原材以太學生伏闕上書言三關四鎮國家根本之地宜速遣偏師倍道趨鴈門入定襄復忻代截石頭關絕虜歸路俾其腹背受敵可滅也朝議以爲然命陳淬武漢英將兵徑收忻代材布衣參幕漢英軍駐五臺山南與粘罕遇罕軍數萬勢甚盛疑漢有伏兵終不敢逼全軍而還材謀皆多焉太原既陷居人各保山寨材說其首領約從固守以俟王師之至建炎初詣行在詔補迪功郎除遂安令歷宿松建德樂平三邑皆有聲仕終蘄州通判孫楫字德操宋紹興甲戌舉進士歷判池真郢三州所至以興學節財爲務及入覲高宗中獎曰天下有卹而辦有不卹而辦卿所謂卹而辦者也嘗

論公生明上問何以生公曰庶生公文問何以生
庶曰儉生庶上稱善累遷知太平州尋移温州學
宮故有秦檜祠楹至亟命撤之朱熹稱其愛立而
教明古良吏也後以韓侂胄川事謝官歸

焦炳炎字濟甫弱冠通經善屬文嘉定庚辰登右
科賜武舉出身授承節郎調蘄水令有能聲再登
淳佑元年進士除直秘閣知袁州新喻尉楊大明
嘗肆虐孀婦炳炎奏竄之豪吏懾息後除右正言
以言事忤當軸遷太常少卿作詩貽知舊云事至

諫官言不得身為宰相有何禁即拂衣歸弟煥炎

字晦甫少與兄同業紹定二年擢武科第一除閣

門舍人兼淮西制司計議撫督有恩人樂爲用差

知池州兼沿江制置省劄令迫逐沿江流民煥炎

備陳艱苦因䟽撫綏之策朝廷嘉納之任終武功

大夫知鎮江府

按蘇州府志人物有焦炳炎淳祐元年徐儼夫榜第三人修武節未

詳何

童琰字子美寶慶丙戌進士歷官鎮江通判有治
聲差知常州召還拜殿中侍御史彈擊無所避尋

出爲江西安撫使知江州以忤丁大全解職再召
辭不起

論曰諸邑前詰有述者止此數公亦落落矣子彊
彥修宋史本傳具其疵類不得而私之劉公玉之
風操節槩虞壽老之孤介方直汪子思之慷慨恬
雅尤令人有景行之慕焉其餘亦皆懋著聲蹟吾
無間然

文苑列傳

宣城唐劉太冲博洽工詩與弟太真齊名天

舉乙科顏真卿守平石辟從事畫策拒安祿山尋

真卿掌吏部署中高等嘗爲文送之歸宣城謂才
不偶命而德無其隣云冲詩亡逸今唯存寄業師

一篇見宛雅

出顏魯公集

劉太真字仲適涉學善屬文少師事蕭穎士穎士
送之敘謂門弟子若尹徵之學太真之文者首選
焉天寶末舉進士大曆中署陳少遊淮南書記廣
德初李季卿薦授衛兵曹觀察使李栖筠表令常
熟邑人化之徵拜起居郎累歷臺閣自中書舍人

遷工刑二部侍郎轉禮部侍郎掌貢舉貞元五年
貶信州刺史卒太真性詭隨嘗以桓文擬少游知
貢舉輒先收貴家姻族爲時所薄然雅負詩名每
一篇出人皆諷誦時德宗文思俊拔每御製命朝

臣畢和貞元四年九月賜宴曲江亭帝爲詩序

在位僅將十載實賴忠賢左右克致小康是以

三令節錫茲宴賞俾大夫卿士得同歡治也夫共
其戚者同其休有其初者貴其終各爾羣寮頃

不暇樂而能節職思其憂戚若時則庶乎理矣
重陽之會聊示所懷詩云早衣對廷燎射化動音

誠時此萬樞暇適與佳節并曲池漾寒流芳菊
金英乾坤爽氣澄臺殿秋光清朝野慶年
豐高會多數聲永懷無荒誠良士同斯情因詔

卿等重陽會宴朕想歡洽欣慰良多情發于中因

製詩序今賜卿等一本可申書出于簡定又詞士

三五十人應制同用清字明日內於延英門進來

上自第其詩以太真及李紱等四人爲上等鮑防

于邵等四人爲次張濛殷晃等二十二人爲下而

李晟馬燧李泌三宰相詩不加考第太真所著今

存上楊相公啓與韋蘇州書和送顧十二左遷涇

邑東峰亭古壁苔二詩見宛雅

兩唐書
並有傳

王炎工詩與李白善嘗遊蜀白爲劔閣賦贈之云

咸陽之南直望五千里見雲峰之崔嵬前有劍閣
橫斷倚青天而中開上則松風蕭颯颯颯有巴猿
兮相哀旁則飛湍走壑灑石噴閣洶湧而驚雷送
任人兮此去復何時兮歸來望夫君兮安極我沉
吟兮歎息視滄波之東注悲白日之西匿鴻別燕
今秋聲雲愁奏而暝色若明月出於劍閣兮與君
兩鄉對酒及卒哭以詩云王公希世寶棄世一何
而相憶

早

按白矣炎詩有云哭向茅山猶未摧一生
淚盡丹陽道疑非宜人今從一統志收入

邵拙字拙之好學工書外和而中廉倨水部郎趙

慶貽之詩云邁古文章金鸞鷲出羣行止玉麒麟

嘗上書獻所爲文請應制科詔赴闕次舒州卒籍

裝得詩文數十篇手抄史傳子集三百卷拙初爲

詩云萬國未得雨孤雲猶在山時謂窮識著有廬

嶽集尚書孫邁敘

詩對子文集

卷之二十一

南唐荆鼇孤貧力學唐末文體纖麗鼇獨能自振
有承平風或請師之鼇語其人曰夫文貴質而尚
簡理直言婉斯近道矣若靡曼流放豈吾之學哉
可歸求之師非所願爲也爲人廉直嘗藏歙州龍
尾硯客有欲色而不言鼇亦已心許及客行卽徒
步馳數舍與之後主末始登仕而國亡初與樊若
水善開寶中若水欲薦于朝鼇耻其投宋竟謝去

隱廬山數年卒鼂少飲博亡行不齒于人士會入
國學益無賴晚乃勵操服義言出必踐而後已家
雖貧不事干謁上流益復高之

宋丘旭少事畜產已冠始讀書屬文南唐時凡十
舉擢進士第一歸宋呂文穆判銓聞而重之薦遷
京秩卒于衡州旭嘗纂古賢俊遺言爲賓朋宴語
其詞賦後人倣慕焉

梅堯臣字聖俞學士詢從子父讓力學不仕其弟
詢間諷焉答曰夫狗祿易也而行志難吾媿之曾
奏授大理司直子堯臣郊祀恩贈太子中舍年九
十一卒堯臣幼習詩自爲童子出語已驚其長老
用詢廕調河南主簿錢惟演留守西京特嗟賞之
引爲忘年友一府盡傾比歐陽脩爲推官與交善
每自謂不逮王文康曙覽其文歎曰二百年無此
作矣堯臣長益刻勵精思繇是著名中外嘗語人
曰凡詩貴在意新語工得前人所未道狀難寫之
景如在目前舍不盡之意見于言外然後爲至世
伏其知言歷德興建德襄城令監湖州稅僉書忠

武鎮安判官監永豐倉大臣以館閣薦仁宗問曰能賦一見天顏萬人喜却回宮路樂聲長者乎召

試賜進士出身改太常博士嘉祐元年翰林學士

趙槩及歐陽修十餘人言于朝云臣等忝在通班無裨聖治知士不

道守節辭學優贍經術通明長於歌詩得風雅之

正雖知名當時而不能自達切見國家直講見闕

二員堯臣年資皆應選格望依從復例以補直講

之員必能論述經言教導學者使與國子諸

生歌詠聖化千庠序以副朝廷育材之美補國

子直講明年為貢舉參詳官得蘇軾實第二人累

遷尚書都官員外郎預修唐書成未奏而卒歐陽

脩為墓誌詔錄其子寶元初嘉祐中裕于太廟堯

臣獻聖德詩帝答勅優獎云省所進裕享詩事具

厚以詩自名為衆所服矧乃詠歌祖宗之功德述

禮樂之聲容宜被朱紱以薦清廟載披來獻深用

嘉又嘗上書言兵注孫子十三篇撰唐載記二十

六卷毛詩小傳二十卷宛陵集六十卷續金針詩

格一卷堯臣家貧喜飲酒善談笑與物無忤賢士大夫多從之游時載酒過門詠嘲譏刺托於篇什即窮困下僚未有恨色一于請人蘇子瞻于涪井監得西南蠻布弓衣織文乃堯臣春雪詩其見貴

遠夷如此史稱其詩深遠古淡間出奇巧宋興名家爲世所傳若堯臣者蓋少也時與蘇子美齊名而堯臣寔優歐文忠水谷夜行詩末云蘇豪以氣轢舉世徒驚駭梅窮獨我知古器今難賣司馬温公每重之有我得聖俞詩勝有千金珠之詠諸家評者甚衆方回謂宋文歐公第一詩梅公第一而五言律尤長頗稱確論詢亦有詩名其詠陰陵警句云千重漢圍合一夜楚歌聲贈夏竦招討西夏亞夫金鼓從天下韓信旌旗背水陳好事者爲之

平河安石壁有名臣傳茲不列其後人在元有梅德明亦能詩和汪叔志晚望山門石漏窓中月岩通洞底泉送傅經歷柳枝歌斷山杯盡梅雨晴來江路長送叔章姪彩鷁隨風飛宛水黑貂犯雪上燕臺柳枝詞江上春陰半畫橋扁舟東下夕陽潮離魂何似垂楊柳飛雪漫空煖不消頗亦楚楚同紫芝字少隱啓陵陽山南父覺訓子甚篤每曰是子相法當貴然肩聳而好吟其終窮乎兩以鄉貢赴禮部不第家貧併日而炊人嗤之不顧嗜學

益苦嘗從姑溪李之儀及呂本中游有美譽年六十一始以廷對第三同學究出身調安豐軍霍丘稅不赴監戶部麴院歷樞密院編修官右司員外郎知興國軍崇政簡靜終日焚香課詩而事不廢秩滿奉祠居廬山初秦檜愛其詩云秋聲歸草木寒色到衣裳留京每一篇出輒擊賞不已頗厚遇馬後和御製詩已通灌玉親祠事更有何人敢告猷檜怒其諷已出之紫芝惟言士遇合有時吾豈以彼易此紹興乙亥卒著有太倉稊米集竹坡詞竹坡老人詩話楚辭贅說並載馬端臨文獻通考今存詩話及詩文三十餘篇亦復藻贍可喜子槃琴皆力學不仕

高元矩昭亭鄉人工詩不仕以子惠連貴贈光祿卿詩有警語其贈宣城宰云硯注寒泉碧庭堆敗葉紅贈徐學士云烏掠琴絃穿靜院吏收詩草下閒庭載王舉雅言系述全篇亡攷惠連博學尚氣槩登端拱已丑進士歷工部郎知吉州精堪輿術銓學址歐劉相繼出並登上第天禧初徙知揚州

卒周紫芝惠連曾孫婿也嘗過其墓下賦詩弔之

見藝文孫器之知南安軍

嘉靖中余道從江西安義邑令高暢蘄州衛人原籍

宣城其父鵬舉進士和祖曰昭亭鄉人洪武初以從征僞漢功授千戶似爲惠連裔云

李宏博學好修文詞贍藻建炎中呂好問知宣州

得士四人詹友端周紫芝王相如及宏每讌集必

與俱焉宏詩多逸題天休觀云一派銀河懸落水

數峰石壁鎖非煙後有李蟠亦能詩辰光門云夜

深燈火明沙路秋冷笙歌擁畫輪並見宛陵羣英

集嘉定中韓沆字仲和仕提舉石岩字魯贍仕教

授並與寧川英晦之善沆尤工書法嘗手書晦之

十絕自爲跋臨安羅相謂吳之詩韓之字可謂詞

翰俱美矣晦之有泊句溪懷仲和寄魯贍詩韓歿

吳又有寄魯贍詩云憶昔從游杖屨中有山亭上

醉春風主人已作騎鯨客誰識當時兩病翁見晦

之齋蠟集

元貢奎字仲章父士瀆贈廣陵郡侯廣陵力學尚

節義不仕元嘗作義塾以待四方學者鄉人甚尊

禮之奎天性穎慧風儀嚴整十歲屬文長益博綜

經史以古爲師仕齊山書院山長朝廷方議行郊
祀禮諸大臣以奎識鑒清遠論議詳明遂推授太
常奉禮郎兼檢討奎卽討定上之朝廷多採其說
遷應奉翰林文字同知制誥兼國史院編脩官纂
脩成宗實錄授江西儒學提舉敷明理學諸生皆
竦聽不懈累遷集賢直學士天曆二年奉使還卒
著有雲林小菴聽雪齋記青山謾吟倦遊集豫章
藁上元新錄南州紀行凡百二十卷從子師道字
道甫舉茂才累官翰林待制兼國史院編脩有文
名特本林脩宋遼金三史丞相脫脫總史事欲以
遼金爲正統師道奮筆議曰昔符堅已據中原不
忘東晉凡以成正統也本朝得上承中國帝王之
統而與唐虞三代漢唐齊稱以承宋耳則正統在
宋而不在遼金明矣不果從師道亦坐此忤時出
補嘉興路治中部使者交章薦之尋卒奎子師泰
在名臣傳從孫友初在忠節傳奎詩溫麗並至李
長沙嘗語銓部欽學士于元止可讓一一家狀師
泰猶鴻朗拔俗縣縉有情與范梈楊載虞集諸名

卿善寔可相下上也友初辟地會稽會稽人以王
元章梅賁理官詩爲二絕詩悽婉動人間作健語
往往命中並自有集不具載其後有賁汝成字玉
甫鏞之子領正德癸酉鄉薦汝成生而蚤慧費產
市古今書蒐冥弔詭不遺餘力以博洽與旌德梅
鶚齊稱而汝成尤探極理緼文密而藻贍而灑寧
程占未至不求合于里耳嘉靖初上勅大典禮
汝成與修祀儀成典及獻郊廟賦並賜金帛

已授翰林待詔預校錄諸經史上復古治策十五

事凡三萬七千餘言帝聖太后張兩疏請復三年

制不報尋卒于官著有禮纂註郊廟賦南陽畧

補和齋集湖涯二稿倚洲子燕市次劔集杜

機子瀛海集市丘鼎腊徹劔快集籟野集諸書而

屬意于禮纂註頗有發明貴溪夏相言嘗爲人

擊節稱貢玉甫真海內博雅學者云

張師愚字仲愚學古先生長子弟師曾字叔輿好

學攻詩曾兩領延祐天曆鄉薦誤梅苑陵年譜多

所摭引並從汪文節澤民游文節禮下之嘗稱平

生畏友有二張云師愚詩送陳公輔之采石蛾眉
上碧落牛渚送春濤和師炳仲桑落山中酒芙蓉
江上秋送趙伯淵秦淮倚棹秋聽雨易水驅車曉
度霜師曾挽劉待制視草催春直藏舟惜夜移懷
師氏山林雨林黃耳茵春澗白頭魚送吳子彥宰
辰溪地偏須卯酒心澹食辰砂頗稱工麗師愚子
知言字公允上御史春風已驟看花馬朝彩還吟
借樹烏和吳開開六龍朝罷香盈袖獨鶴歸來月
滿天其前後詩人有王圭字敬仲弟璋字敬叔圭
挽貢南漪福兼鴻範五瑞集鳳雛三戴帥初過訪
興寄冥鴻外詩成立馬間送李廉使銀漢星槎當
好夜渚宮煙樹正宜秋斲憇棠陰入愛樹無言李
下自成蹊瓊雪霽禽聲交曉樹馬跡上春城約文
甫不至晚歲故人少開明秋暮長和董儒仲湖光
浮鷗淨山水坐猿深題劉御史熙寧諫疏舉世非
新法中朝放直臣謝惠帶鏡寬覺腰圍減明嫌鬢
影秋送梅叔章行當塞鴈初來日歸約河魚欲上
時虎臣字子山敬叔子於潛教諭題古硯洛波沉

鼎周姬衰秦嬴義勇歌無衣戎車虎帥雄西陲羽
陽宮殿雲崔嵬孟明骨化蹇叔死三良殉穆秦民
悲西風一夜飄宮瓦鴛鴦飛墜秦臺下千年鳥跡
今愈分故園遺蹤恨難寫何人磨作古陶泓遂使
名聲齊玉笋君不見懸黎結綠人不識荆足君門
卞和泣古來義士苦不遭埋骨泥沙同瓦礫汪鑫
曉發雲川雲栖山頂寺月墮水中天姑蘇道中燕
巢未穩元非幕鱸膾雖肥不是家泊瓜洲暮雲歸
鴻渡天碧斜日啼鴉苑樹紅過四明杜鵑花裏千

年寺朱雀橋邊六代宮蠡形銖夜坐四壁蟲聲夜
千山木葉秋送巫山人江雲浮別酒谿雪灑禪衣
雪夜坐久然松火眠遲話葛藤寄鄧處壺雙鬢近
從愁裏老一春半向雨中過溪陰殘雪粘青樹江
上微風起白波上御史乘驄秋入青山暮執簡朝
疑白霜王鰲叟送翟錄事常關羅雀戶焉用割
雞乃荀原道城晚卽事僧歸黃葉寺鳥盡敬亭山
題梅菊但供五柳先生醉不爲孤山處士開劉得
之杭州吟樓須待月稅地亦栽花翠高峰風帘桑

落酒春網藥植魚施聲遠和弟聲蜚旋磨同行蟻
 埋書似蠹魚師敏自述飲河期偃鼠黏壁笑蝸牛
 師晦文言懷吹雪從驚犬耕雲欲買牛王儒珪送
 李知事青冥三釜養白髮兩親年弟儒珍讀韓信
 傳百戰通侯爵千金漂母恩李震午閒述月隨雲
 影沒風挾鴈聲來胡寬登濟州太白樓海風吹月
 上嶽翠入杯浮送貢廣文春歸天北飛鴻鳴地近
 湖南叫鷓鴣送方水叔君今乘驛西南上我欲爲
 雲上下從送麻練師露杯數賜金僊堂霞壁初裁

正女機吳復典與族人飲鴈帶秋雲落人分社酒
 來高德壽憶山中友山深雲守屋林缺月當樓胡
 晉嘉秀亭茶竈霽晴露書牀趁午陰汪鼎亨舟過
 大通連娟初上踈桐月蕭瑟時聞落葉風王翊龍
 和李治中春暮流光嗟逝水山深幽夢付回潮倪
 應淵揚州山河舊影藏金闕關塞新聲起暮笳高
 文虎何家堡十里煙橫楊柳岸千家門對荻花洲
 朱得先上揚明府戴星間俗千山曙畀雨關心百
 里春陳巨源晚節離邊心事三秋暮鏡裏年華兩

鬢霜潘如瑗病中愁裏常中酒賢聖病來多辨藥
君臣陶應靈長門怨擬摘梅花貼鬢嬌未曾掠削
早無聊承恩不似金盤雪得到龍屏煖處消慚問
金輿過鳳池綠雲斜暉曉妝遲試陪杏苑尋雙藻
暗上東皇屬阿誰風度荷花小殿香淺沙依舊浴
鴛鴦御書翠扇恩猶在偏憶金輿夜納涼李至善
月中桂玉兔杵搖金粟碎素娥環濕露枝稠潘復
之送高教授寒宵濁酒南陵別白髮青衫博古官
胡荻挽莫與倫馬卿山色逢掖狗監誰能薦子

虛張浚明上張侯玉鑑冰壺懸夜月碧幢畫戟動
秋風潘登雲讀蜀志魚冰交情千載過風煙老樹
幾回秋董天吉次胡州大陶潛舊菊荒三徑范蠡
孤篷尚五湖上經國上馬按察來道燕鶯迎玉節
成行鴈鶩凜金科熊不易與友人別太瘦尚能憐
杜甫不言幾已失醜謂水西寺行馬不旋陵變谷
螯龍一起海生濤奚學生挽趙陽山半世虛名
秋鬢白一編實錄夜燈青許晞顏費郡曉雨桑
麻吳地暖西風糴程定鄉秋施震仲寄朱理甫青

山招隱思佳士白髮催人惜壯圖孫煥文送人歸
番陽干越自緣頻入夢敬亭豈是厭相看送那學
士玉笋聯班新學士金蓮賜炬舊詞臣趙由斲餞
孔常軒木塔寺葛讓已許參獅窟竹簡何妨挾兔

園

以上字詩
見宛陵群

侯天祐字伯純客中寒食宮裏思傳燭天涯尚轉
篷雪後訪陳華仲聽雨隔窓消夜雪分泉入硯帶
春水何致中字鶴林號華陽山人秋日苦吟生曰
髮歸夢遶青山雨久琴絲潤風清扇影閒山居春

暮昔林吹香柳絮飛杜鵑聲裏夕陽微惜花誰唱

留春曲花雨滿簾春自歸劉有慶字元善平江山

長龍虎臺卽事山舞鸞風來大漠氣騰龍虎護高

臺錢震孫字公茂張忠敏焚黃麟經載筆埋黃壤

驥子成家秀碧梧陳萬鈞字衡甫過采石江煙霏

霏江月黑寒光照耀玻璃色當年江上錦袍人騎

鯨一去無消息天生此境絕險難驚湍九道奔空

山今宵波平浪如砥舟行恍若圖畫間欲問燃犀

是何處漁父鳴榔隔煙霧羨渠鷗鷺獨忘機占盡

滄浪自來去王時中字伯庸仲芳長子鉛山教諭
送吳學正紅樹城西晚黃柑海上秋胡祺字壽卿
繁昌教諭送李憲使碧樹渚宮秋色老甘棠南紀
晝陰連施坦字季平廬山季子同張叔輿宿語闌
餘燼暗意愜清夢熟覺來踈雨聲月露滴脩竹和
梅叔章香結幽蘭珮詩裁明月珠劉氏園亂聲秋
樹葉寒色晚花枝潘鉉字仲金聖輿長子瀏陽教
授挽劉竹所黃壤蒙新棘青編冷舊芸汪士深字
起潛題嘉秀亭雨香林下屐花影席間尊齋居白

髮已從公道得青山長似故人看兔王明字公亮

雲松樓峰前宿雨收蒼狗澗底清風起翠蛟劉錫

字禹疇損齋季子以廕授江夏尉調弋陽簿上劉

左丞賜衣新被乾坤寵衛駕親承日月光胡元舉

字子仁蘭亭山長送歐陽生江雨催行棹秋風吹

客衣施璵字水叔初菴山長次丁憲使迎詔芝泥

恩重春風暖栢府雲開曉日晴侯賓于字廷美廣

東憲使送張漢英之金陵平生不願爲傭書亦不

願作章句儒酒酣詩成吐素霓意氣凜凜合千夫

去年排雲叫閭闔出門一夜車四角今年踰嶠席
未溫一舸乘潮又催發大江之西日本東廬陵人
物常稱雄決科歲占十八九君當努力揚詞鋒才
高不用長歎息四海彌天豈無識壯年懷居亦何
有着眼帶礪開胸臆霜臺屹屹凌高寒豪士傾蓋
宜交歡我知屠龍不屠稀食馬政欲食馬肝吳姬
釐酒吹香絮謫僊神遊歌白苧敬亭惟有孤雲閒
欲雨人間亦飛去施洞字晉卿送李有成歸敬亭
君家騎鯨仙山色看天正雲仍此焉集煙霞恣幽

計題次鉅字仲相送入歸錢唐故宮春暮五年
近海潮聲八月秋汪洋雷字叔震次潘季通遷居
橋分野色春還好門對嵐光晚更宜阮謙字受益
浙東帥府照磨秋懷玉侯鬱冠蓋歡宴何其多相
月麗中天立馬懷山河何儒衍字仲景至元乙亥
領江浙鄉薦齋居梅花夜冷山中榻芸草春香几
上編送金監憲蕭霜原鷗懸蒼雉麗日旌旄擁使
驪春日六音碧桃花開漢苑紫簫聲斷秦樓風暖
馬嘶金勒月明人上簾釣花落鶯翻紅雨峰回鷺

點青嵐人別春前春後草迷江北江南陳觀字可
大題水碓龍飛急雨天機巧鯨吼滄溟地軸摧吳
鍊字子彥潛曾孫以父總管寶儒廕仕福建鈔庫
提舉歷耒陽知州和鄭仁卿塞翁休問馬海客自
盟鷗象山書院泉聲晴亦雨山氣夏先秋舟中依
稀殘夢水聲中落月餘輝入短篷似聽隣舟催喚
起今朝趁得上江風柳枝詞風前裊娜微輕身
日三眠別是春多少閨情江路直將青眼送行
人劉憲生字景初和貢泰父感懷徂夏將促裝步

雞振涼羽物生各隨時變化緣氣母並載宛陵羣
英後集是時郡不乏材人知績學汪文節首揭旂
鼓而二張互爲羽翼平章嘉候領畧玄風卽力有
至否延其雅道未亡俛仰今昔慨息彌襟文節在
忠節傳所著詩多散逸其存者如答汪南山末云
何時同此采真遊塵緣誓將脫羈囚世間萬事一
杯酒鼠肝蟲臂徒包羞送陳公輔采石山長翠伏
金牛異峰攢翠黛雙春紫宜供酒靈犀莫照江送
谷仲臯天開疊嶂孤雲白海湧春潮夜雪明湯泉

道中半壁暗泉吹冷雨懸崖飛瀑吼晴雷和楊侍
御輦下曉色宮槐連御柳春聲疊鼓帶凝笳次顧
仁甫花雨翻晴催社燕柳煙籠曉待春鶯挽楊桂
岩秋賓鴻鴈傳書後歲在龍蛇入夢初挽師炳仲
初說銜觴蛇作祟忽聞占識鵬爲妖挽王敬叔摩
詰平生詩可畫無功晚節醉爲鄉一時見賞寔爲
倫魁子用敬字彥恭送楊掾黃堂雅望推三輔烏
府先聲重四知今嘉隆中郡學生袁鶴聲頗能詩
無論風格亦有其致矣著鶴若集

南陵元郭雷煥字有童

任饒州路教授能詩尤工

駢麗文時號爲郭四六送趙子昂應召南邦諸老
歌麟趾北闕千官看鳳儀又有題施氏芳遠亭詩

他多散逸

見雅
英集

劉鑄字禹鼎其先蜀郡人以父宦家南陵舉至治

辛酉進士歷安慶路推官知南豐州多惠政頗能
詩題高尚書畫憶昔東走吳越間杖藜所過皆名
山扁舟無端復西上巫峽照眼青螺盤五年塵埃
卧環堵慨想昔遊良自許偶然圖畫見崢嶸似與
故人成晤語其末云平生愛山仍愛畫畫裏看山

天所借此身與畫兩俱忘孰與莊周同蝶化

見群英集

涇唐許崇字文化幼警敏咸通中與張喬俞坦之

劇燕任濤吳宰張贛周繇鄭谷李栖遠溫憲李昌

符謂之十哲賦洞庭詩有云四顧疑無地中流忽

有山人以題扇遂稱許洞庭累舉進士不第李建

州頻嘗首薦之薛能戲以詩曰君似貧無計因何

事有成及辛卯高湜知貢舉時士多請託權貴湜

抵帽于地曰吾必以至公得譴分也乃取聶夷中

洎棠時號得人調涇縣尉嘗有詩一卷載宋馬

端臨文藉考今散見別集者才十餘篇並與雖有

致唐詩紀事謂棠詩多隱括如曉嶂猿窺戶寒秋

鹿臥水邊空吟待月到晚坐着山類能恬澹絕物

者見唐詩紀事

汪遵幼爲吏許棠應三十餘舉遵猶在胥徒善絕

句詩而深自晦密一旦辭役就真會棠送客灞滄

間遇遵訊曰汪都何以至此遵曰就貢棠怒曰小

吏無禮然遵卒先棠五年登第著有詠史詩

見紀事

元凌希惠字季和策十一世孫號水西道人寓宣

城與宣諸名士為吟社賦古鏡云漢皇蛇劍穿屋
 飛伯禹神鼎淪泗涯鯨翻鼇轉總陵谷此鑑零落
 何足疑雲松樓云丹崖雪竇相掩映一枝北走如
 翔龍白雪輪雨出深谷蒼松倚壁來清風時頗許
 之又有倪水西者優于學仕本路教授著有集虛
 摯為編次而序之

嘉隆中左編王廷翰並能詩兩
 王名頗著左疾惜未竟其才爾

旌德宋舒雅字子正本南唐人力學工文與吳淑

齊名以詞賦為韓熙載所知及熙載知貢舉雅擢

第一

宋史本傳止云麻仕南唐入宋舊志作權
 一無載陳靈唐餘紀傳云雅等五人及第復

黜入宋授將作監丞大常博士遷秘閣校理太宗

聚書秘閣川名儒典校雅定與焉歷遷職方郎知

舒州賜金紫雅恬于榮宦州之潛山靈僊觀有勝

蹟秩滿請掌觀事從之祥符初東封進主客郎改

直昭文館調刑部雅在觀優游山水吟詠自適時

人美之年七十餘卒楊億贈詩綠髮郎潛不計年

却尋丹竈味靈齋蓋世傳雅晚而尊慕道教云著

有史纂傳于世

載撰楊慎
 史記題評

第雄端拱二年進士

國朝梅鶚字百一少貧力學正德丁丑舉進士鶚

好觀奇書善記誦博綜羣集爲文援筆立就動輒
千言卽沈洋無家亦頗浩博爲一時所慕嘗與甲
許宗魯與鴨同舉進士以御史行部部中爲石
制相與印可稱石交云然短于酬世家入周還則
殊翁合也未祿仕卒著有鳧山集偉四卷多散
逸

太平元汪珍字聘之隱居黃山下博學工詩淵淳
雅贍卓有古風盧疎齋學雅重之汪文節云不敬
與鴈行每稱嵩山先生云珍詩如秋懷歌在

花傾耳衆口暗乃知楊子雲空草五千文又豐狐
竊文炳茨藜掩嘉蔬柰何將蹄涔納子以尾閭又
天空河漢明露下桑柘淨羈鳥懷高棲潛魚樂深
沫題孫逸夫書堂柘林煙潤繭行絲荷蕩水香魚
弄絮山居青春如過客白日屬閒人迂盧疎齋輪
埋當道豺狼避月到空山翹翹移峇峽峰殿幹燈
殘暗壁蟲催織月滿空庭鵲遶枝春雨留胡振甫
十里桑畦蠶脫紙一簾花雨燕爭泥題從兄書堂
落日捲雲墮鶻沒黑風吹雨帶龍腥牡丹天將絕

色驚桃李人自閒愁到子孫並爲秀句膾炙于時
論曰材俊之生鍾靈于川嶽而言以成文尤士之
菁華也踈跣之材多負俗之累自文人無行而文
斯輕矣楊雄直擬于雕蟲非壯夫所爲論者謂其
極力相如而瞠乎其後故謬爲言非通論也文人
其國家可少哉吾郡山川渾樸士習敦龐自唐二
劉頗擅文藻咸通文化振譽洞庭聖俞名重于歐
陽泰甫儷聲于虞伯蕤林嗣響代不乏人近若梅
貢二公積精墳素閱雅博聞貢以深沉苦思語

冥奇梅以穎捷援毫詞筆洵汰其繁述可傳則待
詔多矣然古作者之志總之猶阻于堂與焉夫一
左間氣鬱又斯章譽髦斯士蹶蹶乎其亦將有興
乎

武烈列傳

宣城宋貢祖文字仁德家本大名靖康中從武弁
巡邊爲金人所執不屈縱歸高宗義之授武德大
夫都總軍將扈從南渡居宣城遂爲宣城人祖文
舊與岳武穆共事協志恢復曾相坐廢于家及岳

氏受禍祖文嘗潛匿其宗胤于別墅元儒馬祖常贊之曰賁氏來北肇自武德蓋其忠威光被南國南凌元張國岡任俠好義至正丙申趙雙刀寇南陵國岡親帥義兵與戰兵敗被執不屈賊以刀斷其兩膝殺之至死罵不絕口

國朝何應龍字子讓琦之後風采英毅膂力絕人尤涉獵書史鄉鄰有爭輒爲直之元末里中諸俠少嘯聚間發應龍與宗姻謀誘其首亂者斬之餘率蒲伏請命乃散粟結上部署行伍爲保障討前快烈馬赤星吉上其功授民兵萬戶乙未歸附詔世襲其官洪武戊申從大丞相徐達北定中原丙辰征西次歸德州以疾卒遺書戒子拳拳以睦族爲訓子執中嗣同居者九世

涇唐左匡政史名難當龍門鄉人諛之子生而奇異隋末盜起難當率衆保障因推爲總管高祖武德癸未入朝授猷州刺史輔公柘反圍猷州難當固守逾年李大亮至授以兵遂擊公柘敗之加宣城大都督封戴國公食邑三千戶後太宗伐高麗

以李大亮為水道兵總管難當副焉與李勃王道宗節勇並冠一時云貞觀十三年薨勅葬今太平

縣龍門鄉鄉人廟祀

見唐書故志無傳

宋鮑若虛字仲實初為太學生以兵功補官靖康中奉使金虜爭論疆圉不屈被囚歸化州已而釋還後以武翼郎致仕號隨緣處士以詩酒自娛

元胡有慶有膂力疎財任俠至元庚寅與父武孫佐黃米二宣尉擒賊武孫以宣城尉歷湖州路同

知有慶歷婺源休寧尉終武昌錄判所在有聲尉

婺源時白書三虎入城滅劉氏竹園有慶發三矢

咸斃之聞者嘆服貴學士贈之射虎行末云著鞭

擊電馬如洗血污曉山青不得山虎已忘路虎存

安得一箭無踪跡子德之至正間以捕賊功授旌

德薄

寧國唐梅知巖東山人隋李盜起兵亂知巖部伍

鄉里帥眾保障與涇人左難當相掎角盜不能犯

唐高祖武德初與難當同歸附入朝封南魯王鄉

人立廟祀之至今邑中及宣之東南鄉歲祀勿替

云舊志云懷安直搗有行祠詳見宣城新田魯王廟碑今石不存

嘉靖志

宋方致堯方坑人建炎中叛將戚方寇寧國致堯糾率鄉兵伏石嶺隘處賊至兵稍交因以計陷賊于淖田大破之傷其白馬貴將致堯亦中流矢卧不能起賊益兵至遂為所執欲以為將致堯罵曰我豈從叛賊反耶賊怒斷其首去紹興中邑令李椿年上其事詔賜謚義烈立祠祀之

萬文勝字彬叔少儻有大志身長六尺五寸影如戟從軍不十年以功累官福州觀察使

前諸軍理宗嘗飛白書忠實二字賜之卒贈開府儀同三司武安節度使子邁方學好修雖將家子而雅如儒生

楊義忠字大書本縣吏也德祐初元伯顏兵徇寧國知縣趙與穡戰死義忠率衆城守越七月辛未出戰亦死之詔免邑今年田租旌其守

旌德唐方元蕩以武畧顯永貞初自左神策將軍授冠軍大將軍掌宿衛者十餘年元和申進光祿大夫檢校左散騎常侍封義成邵王從征河北討

淮西有功手詔褒美久之授河西隴右節度使元
蕩表居長安云不願去闕下從之長慶間卒

宋鮑瑑招賢鄉人一名五郎少剛毅尚節宣和中
方臘寇寧國距招賢數十里瑑帥百餘人乘其怠
擊之殺獲甚衆還所剽婦女悉縱之賊怒攻旌德
會大將至賊潰入黟歙里賴以全盜張遇逼宣黃
池州守呂好問檄諸邑兵入衛衆推瑑爲首部署
嚴明若素練者尋李光守宣黃將賊方圍城急檄
瑑等以兵來援瑑平借補承信郎族子舜卿等受
官有差明年盧進寇涇瑑復率兵力戰中流矢卒
州守爲位哭里人立祠祀之

論曰時當喪亂而中原鼎沸民其糜爛乎草莽之
人非民社是寄奮然崛起于儔伍之間號召里中
聯其部曲屹然一方保障迨夫平定則效順歸誠
不煩屠鞫閭閻晏如非天挺豪傑以寄生靈命脉
哉故匡政知巖于今爲烈粉榆作社而廟祀無窮
宜矣其它或厲志死綏或奏功倬馘皆激于義氣
忱懷忘身抑亦大丈夫之巍節也豈古之豪俠徒

殞其軀而無益人國益以召異者可同語邪

寧國府志卷十七

寧國府志卷十八

逸民列傳

宣城唐元處士逸其名有隱操居北郭杜牧許渾
並有詩贈之牧詩云蓬蒿半畝居寬于一天下嘗
游洛歸宛陵朝賢並以詩祖行累被召不起皮日
休貽元徵君書有云足下行奇操峻退隱陵陽主
上知足下久矣錫屨頽而高風轉固是廢乎古
人之道者也足下之道伸之而伊夔屈之而夷齊
如內僕之言翻然而起朝廷必處足下于大諫次

用足下于宰輔凡千餘言

張喬有過元員外山居詩稱負外者或徵以足

職不就仍稱之亦未詳其是否處士以清德高一時而舊志並無紀載平令名不傳于後世則吾鄉先輩不能辭其過也

登見杜牧之樊川其英靈至今猶復顯

叩集吏目林文藝

宋張貴字待舉少舉慶曆壬辰進士坐臚唱失儀

論免貴雅志恬曠曾不恡情去留作曲股亭北門

外水石間吟嘯自若元賞一時黃庭堅賦詩云人

賢忘巷陋景勝失途爲初與王安石同年登第安

石罷相居金陵貴一日遊敬亭下偶憶安石卽放

舟往就之越宿而返安石欲彊留曰吾與爾矣其

簡達故若此川吳晦之有經山悠亭詩云少干

曾綴集英班于歸來水石間聞道半山還舊

扁舟乘興過灣蓋實錄也

見晦之蠅蠅集

元梅致和字廷都官九世孫從母兄汪文節受

春秋著類編六二卷已棄業隱城南與二張爲吟

友更唱迭和待驩然部使者王士熙吳鐸雅重

之就咨吏事自言重風俗屢辟幕不起卒寧川

宋濂志其墓耕獨十卷兵燬其詠獨馬圖云西域

之西生長馬丹肯何年入圖畫良工不必問誰何

只此毫鋒便瀟灑肉驥汗血形如龍權奇肯與鴛
駘同迥然獨立生長風自信不受金羈籠老驥猶
能志千里况此昂頭渴烏勢聖朝捐金市駿骨宜

向天閑驟六轡子士熙知渾源州舊無載見宋學士集

國朝貢鏞字元聲師泰後少好深沉之思從會稽

劉師邵學博洽工詩詞又雅負質行夜有盜入鏞

家家人執之鏞不欲識其人命勿燭盜曰為多負

苦耳遂更給布菜遣之里有患疫者衆莫敢通鏞

獨求藥往視焉力耕稼足不至城府手錄古

隱士有迹無名著自况條然吟味世味泊如所著

有西園譜卷西園集二卷叅政梅守德副使

查鐸序麗亡媿厥祖子汝成在文苑傳從

子汝贊編

南陵國朝范如岡復姓方字塾夫中弘治壬子鄉

薦兩舉春官不第賦詩云老劍殘書南北路清風明月短長亭何人解我高

歌意雲外滄海浪和一聲歸不復應舉杜門講誦所居茆屋不

蔽風雨蔬食斯夕恬如也潛心著述博極羣書以

詩自娛草書法陳公甫正德季知府胡東臯嘉重

之屢造其廬及嘗延處景德僧舍旦夕咨問人兩賢之所著有知新日錄歲寒亭稿

涇宋程炎子充淳祐丙午漕貢輒棄去隱琴高臺

襟負清曠不礙嘯歌著有煙水集文丞相守宣日

嘗引車過炎子為名其樓曰森琴蓋取吾詩人語

齊國晉瞿劭先魏將太和末隱於文

存山之麓有瞿劭石因為稱大將軍桓温嘗往

造焉將辟之見先生披鹿裘坐石室神色無忤温

及僚佐皆莫測乃令伏滔為銘贊終隱山中

宋吳晦之字元用少習舉不第謝去攻為詩浪跡

江淮周擊名勝晚乃隱道山下築生香亭一室悠

然為世推重著有蠟蠟集鄭魏挺徐誼吳柔勝樓

鑰諸名家為序跋其五言句云萍開魚浪細花落

燕泥香頰亦婉麗

鄭魏挺字景烈父可與從父吏部郎中升同師逸

平徐誠文因得聞楊特緒論魏挺早承家學嘉

定甲戌進士調分宜尉辟江淮提舉司幕杜絕餽

遺未嘗以貧窶為意遂引疾歸臺章交薦除國子

監書庫官兼皇后宅教授力辭不就挺雅性曠達
頗著文藻隱居九龍山西園者十五年稱西園老
圃一時人率慕之年八十卒著有禔身粹言二卷
讀書通說五卷子希聲亦舉進士終蘄州通判
旌德宋汪注字東之內行純潔尤嗜學記問淹洽
登咸淳四年進士調青陽簿不赴尋棄官歸雅以
高逸自命不樂仕進凡執經問業者口授之壘壘
忘倦著有中庸衍義等書子冒文温州路教授
論曰世味羶腥蠅營螻逐頽波汎蕩隄潰坊崩高
尚之風微而在園之賁鮮矣余每誦玄晏高士傳
輒泠然欲舉云彼其耽玄漠以繕性懷瑜瑾以及
年興洽雲霞陋汚馨於濁洞志齊鴻鵠豈斤鷄而
甲棲者哉桐江繫漢鼎之重箕山昭放勲之隆若
而人者固亦聖世之鸞麀也余作郡志區別先民
著蹟築塗與垂芳隱錄者何多寡異耶豈非圭紱
之好易緇巖谷之安罕覲乎夫不得中行必也狂
狷故列而章之勿以求備庶幾激貪夫于末代助
美化于盛時云

懿行列傳

宣城晉韋遼任爲給事中與紀瞻同時契分頗踈遼臨終以後事托瞻雅無疑悵瞻爲初居宅綱紀營護如至戚然寔不負遼時人乃兩賢之

紀世和咸和中蘇峻黨陷涇縣執內史桓彝不屈遇害諸子流逆遺骸委塗世和率義故葬之

魯宗之晉宋間人父顯遭世亂率鄉人部曲戍守郡城南七十里其地有清水里人因名爲魯顯水宗之積穀務廣施惠禮賓客濟匱乏後舉進士至

雍州刺史

見成化傳志

唐石仲覽疎財任俠喜賓客四方寒儒多依之郝處俊高智周來濟孫處約皆客仲覽所請客語所期處俊曰丈夫惟無仕仕湏作相智周來濟並如之處約曰愿得爲舍人在殿中出納爾仲覽使相者卜之曰高之貴君不及見來早顯而水蹟高晚達然且壽速登者易顛徐進者少患此天道也後其言悉驗覽仕駕部郎御史中丞今城南有石中

承廟

仲覽別業江都見太平廣記

宋俞極字伯高好禮喜賓客所居岡下喬木森蔚
 亭館麗雅士大夫多過之聚族千指家法肅然同
 居者累世乾道中郡以狀聞詔表門并復其家
 戴儒由貴州新添衛學應舉魁鄉試仕同知荊州
 府事致政歸宣城居黃池別業家徒壁立操履介
 嚴歲歉乏食隣家有桃實垂踰垣舍家人或欲取
 之戒曰寧可餓死五品大夫不可妄取一桃失節
 時人傳誦焉歿葬其鄉楚王城賢而無後人益惜
 之且中雷生鍾嘗稱述其人輒為之歎賞云

侯來保者尚書陳迪家人也迪靖難中抗節當極
 刑子同日就死時樂嚴如族四竄莫敢旁觀來
 帥贖痛切至潛拾其遺骨還葬宣成計
 家橋人士多之蓋自林唐二義士風矣
 金休醫官璞僕也本姓嚴嘉靖中璞輸歲頰死金
 凌校甫在源御倫破產走京師了公通歸即所
 羸百金營繕田廬勞瘁則狀妻聶氏內撫鞠孤外
 佐羣務同心効力卒克其家俸年七十餘其幼生
 集客必躬致食品如敬事官長云苟參政榭守
 德言于羅郡亦莊與之或遇休必引與為禮焉
 志自嘉靖後無創立傳者特錄此二僕何二人不
 識詩書罔諳教導而忠孝所事蹈危竭瘁以盡報
 焉尤人所難也且其人微易淨將孰表之豫
 了曰吾所為以愧人臣懷三心者亦此意云

論曰漢史蓋有獨行傳云以其名體雖殊而操行
 俱絕故總為篇焉蓋漢世尚行制先命卿固有以

風之已吾郡俗尚敦龐宜多懿行而見錄良尠何邪夫蘭生幽谷無人自芳見而采掇者寡矣土無辟舉之典下多浮詭之風雖豪傑興于凡民亦潛德闕而弗耀抑何惑其落落乎是之有取以存餼羊云爾

貶恩列傳

宣城陳永中嘉禾鄉人永樂中以子旺封南京刑部主事

徐亨土山河東人宣德中以子岩贈戶部郎中

張原肅副千戶宣德中以子曄加贈明威將軍

貢德南湖人天順中以子璧封南京監察御史

貢日弘治中以子欽封吏部員外郎

吳文常按察副使讓之子弘治中以子宗周贈戶

部員外郎端慤慎取予兩以賢良方正薦皆力辭

趙海場里人弘治中以子瑞贈彰德府同知

王良直溪人弘治中以子蓋贈戶科給事中

徐惠岩之子正德中以子說贈南京通政

張曄由歲貢歷仕湖廣布政司右叅政正德中以

孫綸贈都察院右都御史擘有義詳孫綸傳

張輔正德中以子綸贈都察院右都御史

王度直溪人正德中以子遵贈成都府知府

郭彥才黃渡人正德中以子說贈順天府通判

吳宗儒文常之子中鄉舉未仕卒嘉靖中以子大

本贈南京戶部署郎中事貞外郎

梅繼先字汝孝山口人嘉靖中以子守德贈承德

郎戶部主事再贈中憲大夫浙江紹興府知府少

從學貢先生錡旣成棄去恢廓任大節爲傑文

惜早世詳周太常怡傳及大學士海虞嚴公訥墓

誌父楷篤孝友撫孤成節散積賑饑懿行詳唐吏

部汝迪墓碑

麻偉荷塘人嘉靖中以子瀛贈戶部署郎中事主

事性行醇篤鄉稱善人

徐永昌京衛百戶嘉靖中以子祚贈武畧將軍

沈璞洪林人嘉靖中以子寵贈獲鹿縣知縣循分

敦茂善遺後昆

楊全山下人嘉靖中以子笏初贈修職郎鴻臚寺

主簿隆慶初再贈徵仕郎中書舍人累贈儒林郎

大理寺右寺副

全初由吏員任黃巖縣丞弟會由儒士任直內關鴻臚寺序班笏以

工書選入制勅房
歷前官敬慎共事

戚亨坊隅人嘉靖中以子慎封南京刑部署郎中

唐繼宗初游邑學以高等受廩例入胄監未仕卒

嘉靖中以子汝迪贈文林郎真定府推官父資好

禮敦義人稱長者

張烈養賢圩人郡庠生隆慶中以子克家贈戶部

主事父柯敦善尚義鄉人賢之

徐衢由胄監仕浮梁縣簿有清操乞致仕隆慶中

以子元氣封刑部署郎中事主事父訪有懿行以

耆德稱于鄉食報昌后並詳旌叅政守德狀

殷銘廩生入胄監隆慶中以子登瀛累贈南京禮

部郎中孝友正直有實學推負經世齋志以歿質

行詳余祭酒有丁傳文崇德操行偉傑為鄉所推

萬鯉郡庠生隆慶中以子良金封松溪縣知縣再

封南京大理寺評事

陳舜道郡庠生萬曆改元以子希美贈南京國子

監博士行誼醇謹雅重鄉評詳梅守德狀貢安國墓表

徐沛大徐村人萬曆初以子大任封南京吏部主事

詹友相坊隅人萬曆中以子沂封新建縣知縣

王大祥萬曆中以子世能封南京戶部主事

南陵李景成永樂中以子弼封刑部河南司主事

丁恕洪熙改元以子鎡贈太中大夫資治少尹刑

部左侍郎鎡字永時由儒士辟舉擢戶部主事累至前官治行稱最恕以敦厚仗義

大臺與鎡並

秦永興景泰中以子銘贈陝西同州知州

劉永富天順中以子信贈南京旗手衛經歷

慶榮成化中以子珙贈南京江淮衛經歷

涇程彥民一作明南隅人宣德中以子富贈文林郎

監察御史

左激東隅人正統中以子景贈文林郎監察御史

趙洪簡東隅人邑庠生天順中以子昌封戶部主

事再封郎中

左孟卿天順中以子燁封戶部主事

王子榮東隅人成化中以子達封南京戶部主事
再封貞外郎

董志道田中都人成化中以子綱贈南京大理寺
評事繼以子傑再贈保定府知府

左孟暹弘治中以子然贈戶部四川司主事居鄉
以敦睦稱

趙智由歲貢仕訓導弘治中以子履祥封戶部主
事再贈貞外郎

章疏正德中以子嵩封戶部主事

徐旭豐東都人由鄉舉仕訓導以子冠贈南京監
察御史

蕭士貴田中都人正德中以子瑞贈南京監察御
史

鄭克禮以子輝封南京留守衛經歷

沈崇西北隅人嘉靖初以子奎封戶部主事

王汝猷邑庠生嘉靖中以子廷翰封行人司右司
副再封戶部郎中敦尚孝友潛心力學詳都御史

周公如斗僉事皇甫墓表誌

左瓚嘉靖中以子鑑封兵部武選司主事再封尚

寶司少卿

董鍵嘉靖中以子珩贈監察御史

查標九都人嘉靖中以子絳封文林郎大理寺右

評事

鄭珏新豐都人嘉靖中以子欽封太常寺博士

趙梅東隅人邑庠廩生隆慶中以子睿贈文林郎

監察御史績學有聞年不副志

查景明九都人隆慶中以子鐸封德安府推官

翟琨十一都人隆慶中以子台贈文林郎長沙府

推官再贈承德郎南京兵部車駕司主事忱旣尚

義爲鄉偉人父鐵孫以質行稱

蕭儲瑞之子萬曆初以子彥封文林郎杭州府推

官

徐浩萬曆初以子彬贈光祿寺署丞

寧國楊勉西隅人由歲貢仕濱州判官正德中以

子琳贈承德郎直隸真定府通判清德世承鄉邦

雅重

葛奇壽嘉靖中以子仲英封文林郎直隸隆慶州

末寧縣知縣

許萬相由胄監仕巫山知縣嘉靖中以子汝驥贈

兵部員外郎仕有善政行重鄉閭

屠龍山門人嘉靖中以子義英封承德郎戶部廣

東司主事再贈中憲大夫四川按察司副使敦朴

長厚父義積德行善鄉人尤稱之

饒清隆慶中以子邦佐封登仕郎鴻臚寺鳴贊

宋氏千戶杭一清妻清嘗戲與語曰脫不諱卿柰

何宋曰卽有從夫子游泉下耳亡何清病卒家人

懲往語密伺之不得間越七日佯示無亟悲狀防

稍懈遂扃戶自經死年二十二有司及里人士並

義而奠之

南陵梅氏栢香王鍍婦也笄而歸鍍及期鍍病歿

旣終服有諷者婦剪髮以示立兄鑿子爲後居七

年邑富人王爐謀娶之婦詫曰豈未亡人尚以色

累邪遂引刀刺左目爐益賂所親日延譽左右鑿

奪其嗣發其蓋藏因抑之通于爐將彊致焉婦度不可持給守者稍懈自經卒家一犬環室而哭三日斃屍前郡守劉起宗致爐鑛罪遷鍍合婦葬徵刑部郎姚江錢德洪表其墓邑人戴思宗詩弔之溼唐梅氏洪勝可妻夫死黃巢之亂賊且逼梅梅誓死不從白馬將軍見而奇之曰吾軍衆恐卒受汚因殺之以全其節溼人立廟祀之號香心五娘國朝童氏童寬妾寬爲萬載令卒于官童年二十餘荼痛求死念寬無後且嫡不在任乃扶柩歸舟中坐叶時時近棺側將抵溼報嫡迎至則悉取宦囊付之束髮易衣伺昇棺起卽自投河死

文氏嘗青年十八歸茂林都民張世安甫七日安病癱文侍湯藥顙天未代又八日夫歿文欲迎還峻拒之已諷令奪節輒大憤沐櫛衣衰衣密紉之以經自經卒時隆慶二年四月十一日也縣令劉世亨舉之巡撫都御史林公澗聞于朝旌其門郡邑並祭奠之仍復役二丁

貞節傳

宣城宋饒氏叅政虎臣孫女年二十適宣城吳寶
信仕龍泉令饒嫁甫七日寶信從二王浮海死饒
氏畧無他志撫姪鉉爲夫後以壽終

元袁氏趙十一妻年二十生男甫一歲而夫亡袁
氏厲節撫成其子年六十二終詔賜旌表

國朝胡氏宋景銘妻年二十四夫亡後孫伯善妻
袁氏吳賢生妻張氏皆早寡子幼並以節終宣德
正統間詔各旌其門

丁氏楊彥亨妻未樂戊戌彥亨客死輦下丁年二

十一子恆生甫八月誓無二志垂四十餘年恒如

一日天陳祖慶妻汪氏願爲人妾妾氏復少寡操

志靡它曾金寶妻李氏守節事姑撫孤延壽以文

學著宣德五年旌表隆慶二年孫紳翰齡重修婦

子並成立恆長廬墓以孝聞

吳氏楊逢之妻逢嘗出爲王氏後早卒吳旣奉王

氏姑復迎夫生母梅氏養之皆得其權有強之嫁

者輒應聲曰汝殺吾二姑邪竟以老終後有趙氏

吳彥懋妻早寡二子峯陵崙尚幼其後皆甫婚而

歿妻戚氏陵妻魏氏菴妻劉氏一皆操節協德
干姑以壽終云

劉氏庠生王璉妻年二十五而寡撫遺腹子子聖
貞操自厲璉兄璟妻孫氏弟琇妻陶氏亦早寡相
觀而成俱以節稱楊氏劉孝三妻年十九夫亡無
子家窘甚夫劉本戍籍歲有清勾之擾楊盡力營
辦父母憐其苦屢諷之揚益堅初志備極辛悴年
八十餘終里族哀而殮之陳氏字富弟黃渡民郭
詳妻年二十二夫亡以節終正德中有司以聞

詔旌其門同時有梅氏六娘者胡永泰妻年二十
三而寡撫孤賀賀死復撫孤孫錮竟以成立

張氏山口人梅和妻年二十八和死子煜娶郭氏
年二十四煜復歿遺孤守珪才三歲和弟楷篤友
愛代持其家姑婦同守節撫孤立業張年八十二
郭年五十四卒陶氏潯泚後鵬妻年二十二夫亡
無子止一女撫長贅婿爲子養老年七十餘終茹
氏金寶圩人唐宇妾子繼舜生未暮而宇卒茹年
二十二舜娶張氏生汝光越二年舜又卒張年十

九並厲志以雙節稱歿年俱五十外云丁氏直溪人王秉忠妻年二十夫亡生子巖娶阮氏年二十一巖亦亡無子姑婦相依居貧矢志丁年八十一阮年六十二終趙氏餘舍橋人濮鑑妻年二十四夫亡無子夫臨歿趙拔髮內夫手中就殮誓無三志織紉自給逮晚不能自食從子庠生漸養之年七十四嘉靖中郡守羅公表其門曰冰霜晚厲邑諸生梅尚祚爲作傳郭氏塌里趙一鍾妻年二十四夫亡萬氏梓溪王榮妻年十九夫亡陶氏黃

池庠生楊汝昌妻年二十一夫亡並無子守節萬一卒並受郡表

趙氏舉人徐元策妻年十八夫亡守節無孤重慶補郡庠生亦歿趙

尋卒楊氏兩湖貢憤三妻年十八適二年夫亡遺腹一子亦殤苦志十餘年卒李氏庠生宗枝妻嫁旬日夫疾割股療救及亡哀數年卒單氏貢外人隨舅姑還宣城貞節自厲卒四氏皆壽不及者士大夫頗嘉憫之梅守德有枕單節婦詩朱氏太僕寺丞陸槐妾無子別離吳氏生子應龍二歲而吳卒亡何太僕疾革遂以孤託朱時年二十七羈節撫孤視如己出卒致成立壽六十終妾婦者流不負託孤之任斯父病瘦姚爲人傭紉得未贍養自食錘土松亡時父病瘦姚爲人傭紉得未贍養自食糠粃畧無怨心舅亡撫孤比長鬻果餉給日賃居

數椽雜市囂中
竟完其節以終

貢氏庠生殷鏊妻年二十鏊歿馬氏三十八都二
圖查村民查福妻年二十四福歿姚氏土門塘人
仲克讓妻年二十一讓歿楊氏庠生張大功妻年
二十六功歿並無子苦節以壽終姚舅姑繼亡依
伯氏居每竟日不舉火母聞而詒之粟恐傷母志
曰兒尚可自給也馬夫家夙窘又單戶鮮伯叔勸
爲其姑置棺木卽併置已棺姑諭之我老且死爾
改適他族可托終身乃誓語姑曰其有異志如此

自給卽備極辛悴子無恨心里人梅守德聞而嘉
之言于郡縣表其閭年七十五卒

南陵元趙氏李義實妻年二十四夫亡勵志秉節
終身事聞旌表

國朝張觀娘何彭童妻年二十九夫亡事姑訓子
以節聞宣德間詔旌其門後有張妙清者劉錠妻
年十八而寡遺一女卒無二志有欲奪其操者以
死拒之正德中縣令胡文靜上其事至嘉靖甲申

詔賜旌表張氏庠生王疇妻年二十四夫亡家貧無嗣竭力事姑守節三十餘年勤紡績甘窮餓人咸稱其鐵石心汪氏劉鈿妻年二十六夫亡一子幼翁姑欲令更適慟哭以死誓亡何子亦平持志益厲紡績度生八十四歲終文氏管世本妻年二十七夫亡貧無錫土子在襁褓有伯逼其改嫁遂自縊妯娌救甦因賃居工織撫孤成立年六十卒余氏字荷香邑人余崗女適涇人王榜年二十夫亡無嗣誓志守節有欲奪之者荷香斷指剪髮爭

聞督學臺使旌之

本府吳常表會共曰

涇國朝蕭氏字義貞東隅趙敬忠妻年十七夫亡

撫遺腹子守節織紉養舅姑至老不貳天順甲申

詔旌其門左氏字守貞孟嘉女青東莫紹芳妻年

三十六夫亡止二女家貧織紉養姑厲志以終吳

氏泉北王清安妻年二十三適未半載夫亡遺腹

生子亦不育終不變節二氏並成化申旌表施氏

守習順東隅王達妻年十八歸達明年夫喪撫遺

腹子其夫祖父母憐其少欲嫁之以死自誓終不

易節弘治中旌表

蘇氏俞秉衷妻年二十六夫亡無子矢節自厲孝

奉舅姑姑嬰宿疾蘇勤紡績金活人稱節孝陳氏

止連都人適本都湯姓年二十而寡撫遺腹孤幾

三十年又歿貧苦不堪率其婦同心守節七十餘

年九十歲卒衛氏字順貞平原王富妻年三十

無富卒遺腹七月生男舅姑俱喪家貧紡績以度

夫叔欲奪其志遂截髮痛哭暈地竟終其節潘氏

字碩貞茂林都人適本都吳當道家貧并日勤勞

事以孝敬逾七年夫歿守節翁姑欲其更志正

言謝之因後有求者乃密回母家與新寡弟婦吳

氏約同居終身後又有求者托其伯父力主與翁

約期強之婦佯言避其行乃為難忝以祭抵夫塚

側自經死徐氏九都查悅妻年二十喪夫紡績治

生撫訓一子年八十餘卒巡撫歐陽公表其門鄭

氏字能貞唐初和妻年十九而寡家貧無嗣勵志

堅苦居常不治膏沐與親戚言不踰門閭年八十

三終

寧國國朝胡氏字妙觀楊仲庸妻年二十四夫亡子忠尚幼遭兵亂依父竄山澤中流離饑餓志不少變後盜發舅姑塚妙觀冒兵險收遺骸以葬同時有胡氏者葛之字妻也年二十二而寡孤觀稍長亦死胡與婦施氏相勵以節洪武末三婦俱賜旌表

金氏字妙淑胡選孫妻年十六歸于胡胡有痼疾偃卧牀褥時安吉叛軍突至家人惶怖出走金獨侍夫不去後夫歿金年甫十八無子持志甚堅終其身不變同時有陳氏俞彥遠妻年二十六而寡時兵興歲歉陳掘草根食之兼苦疾疫終不爲變奉舅姑撫弱子以全節終二婦亦洪武末同被旌表

胡氏字貴娘程福生妻夫亡無子年甫十九又汪璿妻賀氏寡時年二十四俱以節壽終

旌德元戴氏字容玉汪宗臣妻逮事祖姑年二十二夫亡二姑皆相繼歿治喪營葬執禮無愆鄉里稱焉至元中詔旌表其門

國朝程氏字接鸞已銓之妻年二十一夫亡子慶岳俱幼操志端潔撫二孤以節壽終鮑氏字斯男胡仲和妻陸氏張友深妻張氏字全安庠生劉旭妻季氏字招弟郭管妻俱少寡操節甚堅弘治嘉靖間詔旌其門而張李二婦皆無子張倚妾胡氏遺腹子二孀相弔卒成其志為時所稱

太平元陳氏海寧尉孫玉翁妻年二十九夫亡矢志不貳年八十餘尚書汪澤民為之傳

國朝孫氏字定貞程鸞妻孫氏字攻黃王栢妻盛

氏字錢貞陳栢妻俱早寡常以死自誓終無二心栢妻無子盛嫁纔三月尤人所難後俱以壽終栢

妹王氏亦以孀節與嫂孫同禦太常寺喚周創墓

卷六 貞訓傳 山陰 大夫人 再世 太恭人 許八十

湯氏十字路姚鳳翔妻夫蚤遺子汝弼甫三歲苦節撫孤手種杏庭五期訓子有成既杏茂汝弼亦長游郡校受廩餼以行誼稱迺若其堂曰存杏里人多詠之

劉氏土山劉昌四女贈中憲大夫知府梅繼先之

配叅政守德母也事舅與繼姑曲盡孝敬兩刲股療贈君疾贈君歿時守德年甫十歲零行劬苦或勸令守德別治生業母刻厲訓教曰良人以是兒可教臨訣見屬俾此兒學成吾可地不見矣迨後登第歷官訓以清介仁慈蓋無忝古之斷機截髮者云以守德仕初封太安人再封太恭人年八十卒詳叅議浮梁曹天憲傳及太常少卿周怡墓誌表

徐氏國子生梅繼烈妻夫亡時子守蒙甫五歲厲

志督教業成游邑校累試高等蔚有文名未幾與其弟守漸俱歿歿無嗣徐挈蒙婦吳氏漸婦徐氏共厲節以老年六十二卒里族哀之章氏庠生吳木妻嚴氏南閩人馮清妻並夫亡守節撫孤成立昌其胤緒里中稱美云

對平具孝傳

宣城梁無名氏

天監中宣城女與母共寢母爲猛獸所攫女啼號搏獸行數十里獸毛盡落乃置其母而去女抱母氣尚微屬經時乃絕太守蕭琮上

其事詔表其門

元葛妙真民家女年九歲開術者言母年五十當死卽啼泣請禱誓不復嫁終身茹素祈延母壽母後年八十一卒事聞詔褒異之

寧國宋劉氏鄭魏挺妻姑性嚴峻劉事之獨得其歡心姑卧疾者五載劉日夜侍衣不解帶晨興必露禱於天比卒脫簪珥助夫營葬茹素二年哀動鄰里後以夫不貴累封恭人

胡氏字銀貞三十六郡人適同邑人包亦祥事貞

姑曲盡婦道舅沒姑老飲食浣濯必親姑未食不敢先值歸寧或告以姑不安雖風雨必徬徨歸侍供粥藥晝夜不倦至旬月不解衣比姑卒哀慟慄切爰之有言及姑者輒哽咽泣數行下竟無嗣而亡里中惜之邑士余珊舉于令范鎬採入志輿論皆符

諸邑志列女衆郡志不能繁錄蓋體例繁簡各宜爾

論曰從一而終婦之貞也劉中壘傳列女厥品實繁匪專斯義蓋主規諷漢帝後宮放佚以謂王政必自內始故列其善惡致興亡者述作意也今所

傳例不汎引以捐身殉夫魚沒雉經者爲貞烈撫
孤存祀皆志歿齒者爲貞節夫忱慄從容其遇不
一要皆明于大義不貳所天者也至于篤盡孝節
訓成義方亦並女士之至行閨闈之靈秀咸列傳
中垂芳彤管夫生繇仕族飮聞禮教焉固已令人
改容其蓬門單戶不習節名天植其懿百折不變
則尤所難已古稱貞女輒與忠臣比節嗚呼是不
足以坊俗而維禮教哉

寧國府志卷十九

寓賢列傳

唐李自字太白天寶末山翰林供奉流夜郎釋歸
往來斗牛分宣城南陵涇太之聞杖履所歷徧于
川原雅富篇單信美吾上堂存詩以我家敬亭下
輒寄謝公作卒于牛渚葬青山時姑孰爲宣城屬
境云見紀

韓愈字退之年十三時由河陽從其嫂鄭氏姪老
成就食宣城卽已能入凡七稔而學成以去又四

稔舉進士今牧亭山有昌黎別業祠祀之

按朱子韓文考

異文公有別業在宣城昌黎集有示姪襲自京之宣城詩宣城去京闕間里故依然其文有云避地

江南專於講習蓋指宣城也

白居易字樂天元和中寓宣城與侯權秀才俱為

宣城守所貢明年擢進士兄歿葬城西五里今稱

白府君墓居易祭烏江十五兄文有曰宣城之西

荒草道傍

張南史趙嘏俱嘗寓宣城而嘏最久耿湜有逢張

南史全家宛陵客詩嘏有寓居上沈傳帥大夫

及杜侍御詩

羅隱浙浙城人有能詩名微時嘗游于宣至今人

輒稱羅隱秀小題云其所傳鄙俗詩非也說錢鏐

舉兵討朱溫光啓中鏐表為錢塘令辟掌書記後

為給事中遷發運使著有江南甲乙集卒葬涇縣

東七十里有墓載一統志

按一統志撫州樂安亦有羅隱墓未知孰是

宋劉焯信州人未第客新安儲書自給禹欵鄭氏

績溪汪氏尤文嘗游旌德新建東山浴溪中嘉祐

中遷鄉舉進士第一世人名其處曰狀元石縣東

有薔薇塢相傳輝嘗聚徒授業于此云

王邦憲建炎中維揚之擾衣冠南渡遂客宛陵與鄉人相遇作集句云楊子江頭楊柳春衣冠南渡多崩奔柳條弄色不忍見東南北更堪論誰謂他鄉各異縣豈知流落復相見青春作伴好還鄉爲問淮南米貴賤見周紫芝竹坡詩話

戴表元字帥初奉化人咸淳進士調建寧教授文學名東南至元不仕嘗寓宣城與廉蕪林憲使及貢奎諸文士游有酬和三天洞諸詩著有剡源集

元劉善餘字有之鎮江人號南岡老人寓宣城與諸詞人往復賡倡雅見評許送潘以道試吏未云杯行到手寧用辭浩歌起舞紗帽歌出門不作兒女悲庭萱晝日春遲遲吳鐵梅致和並有酬和詩國朝石金字南仲黃梅人登正德辛未進士任監察御史骨鯁敢言嘉靖庚寅以諫止醮祠忤旨下詔獄謫戍宣州衛居二載雅性高潔明養生之術每相羊山水優游自適境內勝地游歷殆周嘗寓栢視禪舍邑人鄉貢士陸乾元甲中梅繼儒繼

芳守德諸文士相與同游探幽吊詭金有詩云仰止文峰興有餘可堪龍卧足移居絕無塵慮當幽壑時見浮雲過太虛其風槩可想見矣後遇宥還其鄉有陵陽謫寓集

陳崔字鳴野一字九臯越人家世本紹興衛武胄當襲崔仇志不受雅善爲盛唐詩及鍾王書法遊游吳楚間嘉靖己未依邑人梅守德僑寓宣城敬亭翠雲菴城東永慶寺倡和詩達百餘篇凡歲餘去之金陵卒崔性放達頗論繩檢不爲禮法士所

取其抗世出塵不受羈鞅所謂游乎方之外者雅論曰元遺山詩敬亭不著謝玄暉斷岸何緣比天姥楊用脩言山水在通都易得名也余謂未然巢許彰箕穎之高夷齊標首陽之繁雲字中地因人勝者多爾豈必通都宛陵山川清曠氣序平夷名人勝士往往寄跡其間悠然忘世志中所記宣城響山有巖子陵釣臺涇水西有劉遺民釣臺及葛稚川丹井遺蹟相傳本傳亡載其它簡籍散佚不可得詳今卽可攷者述之于篇庶亦足以風後人

卷九
四
焉乃若子瞻東坡之號實取諸黃元公寓廬山亦稱濂溪諸君子有靈其亦睠睠于斯乎

方伎列傳

宣城唐夏榮稱有相術蕭嵩與吳郡陸象先爲僚婿嵩未入仕象先爲洛陽尉榮嘗謂象先曰陸郎十年內位極人臣然不及蕭郎一門盡貴官高且壽時人未許之天寶中嵩果無中書令終太子太師年八十餘薨子華歷中書侍郎同平章事乃始伏其氷鑿云見舊唐書蕭嵩本傳

紀叟善釀酒名老春能禮賢士常飲李白以酒了無恹色比卒白哭之詩云紀叟黃泉裏還應釀老

春夜臺無李白沽酒與何人

一作題戴老酒店云戴老黃泉下還應釀

大春夜臺無李白沽酒與何人

陳氏能作筆家傳右軍與其祖求筆帖子孫世精其法柳公權求筆於陳氏先與二管語其子曰柳學士如能書當留此不爾退還即可常筆與之未幾柳以不入用別求陳氏遂與常筆陳曰先與者非右軍不能用柳信與之遠矣見墨池璣錄本見墨數

用脩
引錄

包貴善畫虎名聞四遠世號老包子昂雖從父訓

抑又次焉子孫襲而學者甚衆雖非類犬然終不

能踐貴鼎之闕矣各有圖軸傳于世載郭若虛圖

畫見聞志李唐德隅齋畫品云包昂所作乳虎圖

而昂居最宜和書畫譜云趙邈甌亡其名善畫虎

不唯得其形似而氣韻俱妙今人多稱包昂爲上

游亦猶非蛙澤鯢何足語倉涼之取彌也

宋諸葛高世工製筆最稱重薦紳間每獲一束輒

十集藏之梅聖俞有次韻水叔試諸葛高筆詩云

觀心同水月解領得明珠今日還支遁高談出有無其後有元孚開元寺僧

許渾贈詩蕭寺竹間逢俊影凝寒賤經聲徹曙鍾

欲齋簷垂鷓初定壁吟出詩繼休遺韻書傳未逸

桂松雲鳴新放鶴池因舊降龍露著山厓培霜杭

野確春梵文明處禪衲暖晴絳榻塔題應遍飛

軒步不慵繡梁交葺荔畫井倒芙蓉翠戶垂旗網

宋憲列劍鋒寒風金磬遠晴雲玉樓垂妙理三乘

達清材萬象供山高橫睥睨灘淺聚綠幢微霧蒼

因雷煥弄全遇蔡邕西渾又有贈開師詩僧更有

方知有石支許合相從渾又有贈開師詩僧更有

誰究稜嶺下遇樓師東林共計三乘學南國爭傳

五字詩初到庾樓紅葉墜夜投蕭寺暮雲隨欣江

好憐題佳句正益公延慶寺僧咸通中入講渥承

恩禮楊夔題益公院詩

默坐能除萬種情
臘高燕

寔登院曾聞降輦迎
幽逕北連千嶂碧
虛窓東清

望一川平長年門外無塵客
時見元戎駐旆旌

越敬亭僧工文當世士
今存新興寺石塔記詞

致隋詭難卒句讀張喬嘗贈之詩

海上蜀隨綠歸
來二十年久閒

時得句漸老不離禪
砌木欹臨水窓峰直倚天
猶

期白雲凜冽掃石林
眠文題山房云重來訪惠休

已是十年遊向小
千松老空山一磬秋
石窓清

吹入河漢夜流光
流久別多新詠長吟洗俗愁

公本朱氏吳人初結廬敬亭山
北移新興寺中院

苦脩敏悟叢林所推嚴綬署
宣州幕師事之卒深

陽唐興寺綬爲碑銘

南宗禪師區偉北宗禪師端大曆初論大慧綱明

實際于北山道場

斷際禪師希運初住高峯黃蘗山曹溪六祖嫡孫

大中二年裴休知宣州迎居開元寺旦夕受法又

爲創廣教寺敬亭南麓師有與休贈答詩著宛陵

語錄一卷後終于黃蘗山
休題云自從大士傳心
印額有圓珠七尺身世

錫十年棲蜀水浮杯
今日渡嶺頭一千龍象
隨高

步萬里香花結勝因
擬欲事師爲弟子不知
將法

什河人師答云心如
大海無邊際口吐紅蓮

養病身雖有一變無
事手不曾祇益等閒人

麻衣禪師中和二年煉藥太平黃山翠微峰下身

衣麻衣得其麻縷者輒能療病

宋可敷有禪行作菴城山寺側曰卧雲興國已卯

召對問之曰卧雲深處不朝天因何至此敷曰天

曉不干鐘鼓事月明豈為夜行人因賜還山

慈照禪師聰景德中開堂宣之廣教偈頌流行嘗

有拈古云天龍舉指接俱抵便從當下息分機直

至于今用不盡匹耐當初這師姨見張商英文鑿

集跋

文鑿聰上人高第工詩梅聖俞引與酬唱門人景

模集其遺詩李常序曰澄淳雅贍言肆指遠非如

剏句抉字草花雲月之間張商英李公擇滕元發

題跋同時達觀及可真者並好吟聖俞有和贈詩

寄文鑿師云秋池對門蓮子枯野壁剝月蝸涎塗

庭中兩株古柏樹上有山鳥長相呼當時聯巢接

飛者一落梁宋一海隅扶桑日枝幾千尺光彩不

獨生陽鳥又云讀書夜寂冷無火掩卷遂成搖膝

吟始憶高僧將偈去安知古寺託雲深寒堂正

遠鍾發野鳥亂鳴殘月沉明日呼兒整籃輿欲煩

重過小溪陰和文鑿贈別云來見寒沙鳥長隨上
下伐柯清江挂帆去柰憶故山何依韻和文鑿云
山煖春煙重林昏古寺藏溪流過曉張嶺樹見新
行馬去侵雲蹟風來襲野芳禪衣頻抖擻蠟屐莫
趨蹌飛鼠時過擲饑禽或下頰憑柯何所適皇珠

正相當捧膳溪童潔喻花鹿女香登臨無險絕不
 似畏巖墻別達觀文鑿二大士云雲衲山中來書
 橈江上發何日到山中花應未歇懷真上人云
 蒼山去不遠日日起寒雲堂上飛春雪中思練
 裙銅餅生薄凍桂火壓殘薰欲往有餘興林幽路
 不分又寄云昭亭山色無纖塵昭亭潭水見游鱗
 長松碧鶴入古寺又有乘小舟訪松山法聰上人
 詩我從溪口來正直山前雨濕水逢梵宮有僧善
 吳語天寒密已空軒靜竹可數歸楫久難留汀
 鷗自寄松林長老詩前時種俱有堅完心不朽莫
 飛舞以今輕古為重東溪一片寒玉光俊挂高枝何所用

守訥自號莫翁本鄭氏吳人業進士嘗游錢塘
 淨慈寺誦圓覺經有悟遂祝髮師圓照圓通並以

法器許之由太平古祥院遷涇之金峰宣和中錢
 學士守郡聘持廣教士徒雲集未幾卒年二十日作
 偈二十言若了于死生者云著有宗鏡節要二十
 卷擬寒山詩百篇李彌遜為塔銘建炎中有宗毅
 者能詩嘗受學王相如相如卒為輯其遺文傳之
 見溪堂集序日禪師者涇妙峰庵僧工詩詞詳志
 懷義南陵開化寺僧熙寧七年四月八日詣崇教
 寺淨浴嚴服或問何不剃髮曰當剃心爾是日午
 於觀音院垂足危坐右手持印左手按膝當眾會

中歸寂清煙上騰雲氣芬馥邑人余曉收其舍利
設龕塑形七日塔上有祥光出現上下騰溢宛若
光中現寶塔相輪劉拯撰輪藏記

宗杲姓奚氏寧國人少入山東惠雲寺爲苾芻尋
爲景德寺僧衲往從太平州瑞竹紹理繼謁湛堂
準準亡杲乞銘張商英竒之字以妙喜宣和六年
叅圓悟師於汴無他語但云薰風自南來殿閣生
微涼遂悟呂左丞好問奏賜杲號曰佛日張魏公
請主徑山法席學徒至七百餘衆稱臨濟中興張

橫浦與之開辨出入儒釋排闥不窮人悅服之後

坐與九成詒訕罵梅州一夕太守及市民皆夢定

光佛入城明日杲至後還住明州阿育山復住徑

山孝宗聞其名召對稱旨賜號大慧禪師御書妙

喜菴頌賜之所著有正法眼藏三卷語錄三十卷

道崇或作惠崇姓祁氏寧國杜遷人自號常菴有道行

住廣教禪院再徙薦福演說甚盛有棄官從之者

後住洪公山翠巖久之隨州守請主法席崇答之

詩云洪山不赴三生願洪井聊爲晨暮遊珍重賢

侯休召請野雲踪跡若爲收

元廣教僧堅能詩王璋有次堅韻詩

矮窓宜曉取朝陽高檻凭

應接莽蒼况水鉢中蓮是幻坐禪床畔竹偏長不

瀆沽酒供彭澤酒可飲許伴石霜想見六時天紫

滿納衣裳

國朝金碧峰不知何許僧有道行善服餌習天文

家言樓敬亭山西北石巖太祖幸其地跌坐不

起露刃臨之曰汝知有殺人將軍乎輒應曰汝知

有不思死和尚乎上異而謝之問以向導果云

亦如其言

後召至金陵居僧寺

宗泐台州人博學工古文詞與僧來復齊稱秘居

天界寺高皇帝召以官不拜歷遊宛陵悅涇川

水西之勝止焉著有水西詩嘗客外爲人題山水

圖辭山始無句見山心最喜披圖忽悄然舊遊宛

相似微茫敬亭雲迢遞賞溪水猿啼樹蒼蒼漚泛

波靡靡岳阿叢桂生茅屋無人理何爲滯江城昧

眠黃塵起論者以國初名衲泐寔爲冠云

海公字古拙別號龍洲延壽寺僧精戒律永樂初

召對稱

旨賜宮製百衲衣命歸

右並釋流

漢琴高居涇縣北二十里山巖修煉道成控鯉上

昇因名其山上曰琴高臺溪曰琴溪上有煉丹洞

隱雨巖溪中每歲上巳前後數日出小魚相傳為

藥植魚它時它水並無之詳方輿志中按劉向列仙傳云琴

高者越人也以鼓琴為宋康王舍人行涓彭之術

浮遊冀州涿郡之間二百餘年後辭入涿水中取

龍子與諸弟子期日皆潔齋待於水傍設祠果乘

赤鯉來出坐祠中且為萬人觀之留一月餘復入

水去上居涇事涇志又云或印蘇耽

好鼓琴故以琴高目之疑亦傳會

晉陵陽子明者鉅鄉人也好釣魚於旋溪釣得白

龍子明懼解鈎拜而放之後得白魚腹中有書數

子明服食之法子明遂上黃山採五石脂沸水而

服之三年龍來迎去止陵陽山上百餘年山去地

千餘丈大呼下人令上山半告言谿中子安當來

問子明鈎車在否後二十餘年子安死人取葬石

山下有黃鶴來棲其塚邊樹上嗚呼子安云見劉

向列仙傳舊志寶子明為陵陽令號陵陽子明避

者引與為友或曰即滕公後皆德去此本蒞德實

志云與列僊傳異涇旌境內多傳子明修煉遺蹟

元賀士迪宣城人玄妙觀道士有道行善祈禳祭

蓄 太宗嘗召至京師賜號真人并寶劍玉鼎玉

環玉圭各一楮幣萬緡給車服鞍馬從大駕春秋
行幸兩都年七十乘傳還山卒其徒嵇天仁麻姑
西鄉人嘗從真人侍闕下已署張宗師書記大德
初駕祠萬壽宮天仁贊禮帝問開府公彼非嵇法
師邪自是每呼姓而不名歷仕玄妙觀提點領本
路諸宮觀事賜金欄紫衣盧朝之諸名卿雅重之
有別墅在玄妙西頗稱幽曠延祐間卒葬城西五
里貢翰林奎銘其墓云爲邦先達羽林之喬楚焉
張松谷隱太平黃山芙蓉峰下辟殺煉形嘗採藥

治療人疾歲旱禱雨輒應遠近慕之大德庚子忽
索紙筆書偈云鐵牛鞭向四禪天金身已寄蓮花
座書畢坐逝

汪天驥涇人爲郡玄妙觀羽士能詩其偶成云青
山招客隱黃葉送秋歸冲妙觀云春深自種雲間
玉雨後來看洞裏花暮春云爲愛雲根綠錦苔柴
門花落晝慵開竹牀讀罷南華卷蝶夢遽遠枕上
來胡晉有和汪樂全詩嬌嬌餐霞子疑神志不分
丹書硯曉露僊服剪春雲
山水鳴琴梧松風煮茗聞
時能吐佳句艷雪舞縵紛

姚友文字子純宣城人麻姑冲妙觀羽士能詩雅

受知貢學士奎嘗建大游亭觀左奎為記施琪有

和姚子純詩野岸相逢處臨風共聽泉長江無盡日喬木不知年秘術闢丹籙閒情寄

素絃煙霞發天何儒行有送姚道士往金陵訪玉

趣酬唱每留連林鍊師詩麻姑翠峯青松蔭泉石道人藥遠遊清嘯聞終夕身被紫霞衣山川訪僊跡

金陵古形勝樓觀絢丹碧皎皎玉林子觴詠日閒適得茲怡然信清風生几席華月滿中天虛空夜

論曰釋老之教吾儒輒謂宜加損藏故靡者病其

迹精者以虛寂非之虛寂是心之本體匪虛弗靈

匪寂曷感其指要咏水可應測原道本論議者猶

以為虛聲矣安得經正而庶民興斯無邪慝乎今

所列如而人大都脩煉其上講誦次之變幻譎張

治療祈禳要非二氏微旨亦不足病吾道迨夫儒

釋無參雅攻韻語為士君子所與游者並得列焉

彼其儻狀而往名實不君亦聞乎貪而無制溺焉

而不止者矣

支... 無... 文... 諸... 然... 入... 大... 前... 狀... 其... 上... 精... 而... 之... 變... 以... 壽... 斯... 以... 爲... 聖... 矣... 昔... 雖... 五... 而... 其... 與... 洪... 無... 耶... 烈... 乎... 今... 則... 其... 計... 聖... 也... 未... 可... 測... 也... 豈... 不... 論... 義... 善... 哉...

寧國府志卷二十

雜紀

漢孝武時宣城有人武邑山採茗逢一毛人長丈

餘引客入山指茗生處贈懷中橘而去于寶搜神記

吳寶鼎元年丹陽宣騫母因浴化為龜騫閉戶衛

之掘坎實水龜入忻游累日忽延頸外望伺戶少

開躍赴遠潭遂不復見廣古今五行記

諸葛恪為丹陽守出獵兩山之間有物如小兒伸

手欲引人恪令伸之引去故地即死參佐問其故

恪曰此事在白澤圖曰兩山之間精如小兒見人則伸手欲引人名曰僂引去故地則死無謂神明而異之搜神記

太元四年涇人陳焦死埋六日更生穿土而出舊經云焦為涇邑長有異政及終於官葬後七日化為小兒坐墓上久而方滅

晉殷祐為宣城守嘗有疾命韓友筮之曰七月晦日將有大鸛來集廳上宜勤伺取獲之為善至日果有大鸛垂尾九尺集廳事上捕得之遷吳郡守

其環為殷祐參軍時城下有物大如水牛灰色而卑脚形類象曾尾皆白大刀而遲鈍衆咸異焉祐使人伏而取之令璞作卦遇遯之蠱其繇曰艮體連乾其物壯巨山潛之畜匪兇匪虎身與鬼并精見二午法當為禽兩靈不許遂被一創還其本墅按卦名之是為驢鼠伏者乃戟刺之深尺許遂不復見郡綱紀上祠請殺之巫云廟神不悅此是郟亭驢山君鼠使詣荆山暫來過我不須觸之一如卜言

咸康八年九月廬江春穀留珪見門內有光取得

寶鼎一枚圍四寸太守路永以獻晉作郎辛毗上

玉鼎論見沈約宋書符瑞志晉春穀武帝平吳初

成帝咸和初僑置淮南郡于湖停襄城郡此云廬

江春穀不知何時又以春穀屬廬江晉史亡攷存

疑 永和元年二月春穀民獲金券一枚長五寸狀如

鐵券明年桓温平蜀廬江太守路永上言春穀城

北岸水有紫赤光取之得金狀如斗遣主簿李邁

表送于朝

咸和元年十月宣城春穀縣岸崩獲石鼎重二十

斤受斛餘

太和中春穀獻白兔

劉宋大明三年春甘露降白龜見

泰始二年八月於赭圻城南春穀舊治得紫玉一段圍

三尺二寸長一尺厚七寸太守攻為爵以獻文武

二廟

齊永明中宣城白鹿見

梁天監元年蕭琛為宣城太守時有北僧南度惟

齋一葫蘆中有漢書序傳僧曰三輔舊老相傳以爲班固真本琛因求得之其書多異今者紙墨亦古文字如龍舉之例非隸非篆琛甚秘之

天監十年山車見臨城

屬南陸郡

僊溪郡南三十里相傳隋時奚氏女據石浣紗不返家人索之與所據石並不存或云僊去

唐開元末宣州司戶卒引見城隍神殿宇崇峻侍衛嚴肅府君問生平行事司戶自陳無罪府君曰然當令君去君頗識否吾即晉宣城內史桓嘉爲

此土神主郡耳司戶既蘇言之聞

開元太原武勝之爲宣州司士知靜江事見雷公踐微雲逐小黃蛇盤繞灘上以石投之鎗然作金聲雷公飛去往視得一銅劍有文曰許旌陽斬蛟

第三劍廣興記

宣州鵲頭鎮天寶七載江水盛漲瀰漫三十里吳俗善泅入水接柴木忽中流一木長十餘丈泅者亟往視之乃大黃蛇也遂開口嚼泅者舉其頭去水數尺猶大呼請救聞

天寶七載宣城江中鼉出虎搏之鼉齧虎二瘡虎怒拔鼉之首而虎瘡甚亦死

紀聞

宣城郡民劉成李暉鬻魚蟹吳越間天寶十三年春自新安江往丹陽郡至下查浦去宣城四十里天暮泊舟時暉往浦岸村舍獨成在江上忽聞舫中有連呼阿彌陀佛聲一大魚自舫中振鬣搖首呼阿彌陀佛成懼匿身蘆中俄聞俱躍呼佛聲動地登舫投羣魚江中有頃暉至成具以告暉怒豎子安得妖妄乎成用衣資贖其直余百錢易於

千餘束于岸明日遷舫中不可舉視之得縉十

五千題云償汝魚直

宣志

天寶末宣州有小兒居近山見一鬼引虎逐已謂

父母云鬼引虎來我必死謂人虎食其鬼爲依若

虎使我則引來村中設窰可得也數日死於虎父

之謂父云身已爲倭州日引虎來西偏宜速脩窰

父乃與村中人作窰窰成果得此虎焉

廣異記

韋溫爲宣州病瘡于首誦后事于壻曰予二十九爲校書郎夢渡漉水中流二吏齋牒相召吏言須

萬日令未今正萬日予豈免乎累日而卒

舊唐書

貞元十七年南陵縣丞李巖死殯三十日而甦

會昌中石旻遊宛陵雷氏時其家網一巨魚以雷

時未熟天暑明日魚敗將棄去旻曰有藥可令活

投藥一粒魚口中俄而鱗尾皆動鮮潤如故

太平廣記

李遇節度宣州軍政委大將朱從本本家廐中畜

一猴圍人夜起秣馬見有物如驢黑而毛手足皆

人據地食猴明年族誅宣城故老云郡中常產此

怪每軍城有變出于山中滿城皆吳巡夜者見之

不敢逼旬月禍及矣

稽神錄

宣州監鐵院官彭顓病數月恍忽不樂每出外廳

輒見俳優樂工數十人皆長數寸金石並奏朱紫

炫目顓視之或時欣笑或時憤懣然無如之何病

愈不復見

太平廣記

十卷

諷舉人姓李寓宣州山中一奴頗慵元和九年李

與二文人會別墅呼奴奴已睡李怒笞數十奴恨

謂同儕曰今是閏年傳多虎何不食我少頃聞叫

聲遂無所見尋虎蹤十里溪邊已食其半衣服中

鞋疊置草上蓋虎能役魂爲之也

原化

文淵中

金吾騎曹梁革得和扁術太和初爲宛陵巡官按察使子敖有青衣田蓮子獲罪斥出貨焉從事御史崔聞而召革診其脉曰二十春無疾人也崔喜留之未一年蓮子暴死革方在外回及郭逢崔人執紼者問所葬蓮子也呼載歸告崔曰蓮子非死蓋尸厥耳崔怒勃然曰匹夫妄惑諸侯革強令破棺出之遂刺其心及臍下數處鑿去一齒內刀圭藥口中衣單衣卧空牀上以練索縛手足置微火

牀下曰此火衰蓮子生矣戒其徒煮葱粥伺其氣通若豬狂慎勿令起逡巡自定定而困解其縛葱粥灌之活矣正狂令起非吾所知也俄而蓮子起坐言笑吏報敖敖飛牘于崔乃與革偕歸入門則蓮子來迎矣敖大奇之且以蓮子事崔也非素意因勸與革崔惡其無齒又重敖遂與革革得之以神藥傳齒未踰日而齒生如故

讀牒錄

杜牧太和三年佐吏部沈傳師江西妓張好好年十三始入樂籍後一年公鎮宣城置好好宣城籍

中三歲為沈著作述師納之天三歲洛陽城重見
好好感舊題三十韻贈之云爾為豫章姝十三纔
有餘翠茁鳳生尾丹葉蓮合趺高閣倚天半晴江
聯碧虛此地試爾唱特使華筵舖主公顧四座始
訝來踟躕吳娃引贊起低回映長裾雙鬟可高下
才過青羅襦眇眇乍垂袖聲同雛鳳呼繁絃迸關
組塞管裂寒盧衆音不能逐裊裊穿雲衢主公再
三歎為言天下都贈之天馬錦副以水精珠龍沙
看秋浪明月遊東湖自此每相見三日以為踈玉

質隨月滿艷態逐春舒脩唇漸輕巧雲步轉紆徐
旌旄忽東下笙歌隨軸轆霜彫謝庭木沙暖句溪
蒲身外任塵土樽前極歡娛飄飄集倦客諷賦欺
相如聘之碧瑤瓊載以紫雲車洞戶冰聲遠月高
蟾影孤邇來未幾歲散盡高陽徒洛陽重相見婣
婣為當壚怪我苦何事少年垂白鬢朋游今在否
落魄更能無門館慟哭後水雲秋景初斜月掛衰
柳涼風生坐隅灑盡滿襟淚短歌聊一書
史鳳宣城妓也待客以等若異者以迷香洞神雞

枕鎖蓮燈次則交紅波傳香枕八分羊下列不相

見以閉門羹待之使人致語曰請公夢中來馮垂

客鳳釐錢三十萬至迷香洞題九迷詩青屏

知韻

呂士隆知宣愛一杭妓會它妓鼻當答曰不敢辭

第恐杭妓不安耳呂笑而釋之梅都官財莫打鴨

云莫打鴨打鴨驚鴛鴦鴛鴦新自南池落不比孤

洲老秃鷓秃鷓尚欲遠飛去何別鴛鴦羽翼長

紹興初南陵脩大農破賊主簿者督夫至新溝得

一棺有石刻云

易上吉著上凶五百年木大通苦遇賊至簿移我上高峰葬分界山

李南金客宣州與一娼善紹興十八年秦棣爲州

守作樂會客李微服招所善娼秦望見大怒下獄

同獄有四人坐劫民財吏受賄欲緝之犬辟鍛鍊

彌月南金善訟取其案及條令代作問目四囚不

得有所言獄具死杖下吏爲南金引贖出二年歸

樂平與叔師尹往德興謁經界官至曷宿香屯客

邸夜中驚魘叔呼不應撼之喉中介介作聲出約

隣人併力呼良久乃醒謂叔曰惡不可作曩救急

爲之始盡說前事云適夢身在宣城逢四人挽衣

見苦曰汝無狀用計殺我取大鑽益覆我不能出

聲又十年竟遇蛇妖死

夷堅志下並同

驗益壽丹亦指出

宣城符里鎮符助教治外科操心亡狀雖瘡痍小毒先以藥發之嘗入郡療疾將歸買果實坐肆中忽一黃衣卒至瞠目曰汝符助教邪示手內片紙兩字或三字疑所追人姓名符曰客到家否曰卽取汝急歸七日爲期遂不見及還鎮登岸黃衣人已立津步舉藤棒點其背卽大叫痛黃衣曰汝亦知痛點處隨手成疽如蠱號呼七晝夜死

百城水陽警陸陽字義芳以技稱建炎間米華老

續修避亂兩妻病心躁呼陸求治妻爲言吾病不堪服藥猶難心躁原不渴蓋驚憂失食所致編脩每藥主涼不必與議有私藏珍珠可爲藥資陸診脉謂傷寒陽證灸小紫胡湯進婦人曰香氣類柴胡服此立死甲音甚切陸竟不變下咽吐瀉交作呼云陸助教與汝陰司理會語畢而絕後數年高淳李氏子病瘵召之數日出遊倡家有索於李氏不許及歸乘醉下藥十粒病者云藥在膈間熱如火至腹中入臍下亦如火自牀顛悸墜地夜

半陸又投附子丹砂不納潛引舟遁去未旦李卒
紹興九年陸得暴疾日夜叫朱宜人李六郎旬日
死尚書李九年歲次文效日出漢書自素共

秦祿知宣州州何村有民家釀酒遣巡檢圍其家
民富族也迎擊之巡檢初無他備并其徒皆見執
民以獲盜言諸縣縣以事委尉尉輕騎往曰聞汝
家獲盜幸與共之民大喜以付尉而與其子及孫
三人遂趨郡祿釋巡檢以下執三人麻絙纏體各
杖之百並死祿兄據相位無敢言者通判李季灑

丐致仕去明年祿卒於郡入曰年物原仲愿為守
白曰見數人驅一囚械至階下曰要何村公案
照用楊初至不知事由欲審條不見吏曰此必秦
待制富民酒獄也抱成案來楊閱實大駭趣書吏
抄竟置冥錢十萬同焚之

成忠郎王貴寓宣城與娼葛秀家近妻出入過秀
門秀妹年五歲每曰吾母一日王嫗來女挽衣拜
曰母不憶兒邪建康朱家鐵郎也嫗淚下為秀言
吾嫁朱氏生子放蕩敗業稍贍皆為蕩析年三十

一死吾挈其女嫁王氏女問我文何在呼未近而撫之王文時十一歲怒之女笑曰不得無禮問嫗此兒嘗倩舅家女相伴今在否猶犬之屬歷歷咨訪且言舊愛一齋曾書數十字於中洗視果然初嗜書自頗能爲嫗雜他軸以示皆擲地遇故物留玩不已生凡兩娶後妻密說朱爲私藏夫死盡攜去嫗問兒昔爲婦竊物尚能憶乎卽面赤不對嫗曰能復回我家曰中所願也嫗歸搜篋金六兩與葛氏不可慟哭不數月死朱在日好諢語標榜

康諸娼其後身竟墮娼類似朱死三年女已五歲蓋朱卧疾再歲而葛女襁褓多病則朱病時精魂已受生矣乾道元年王宣子爲郡守呼葛氏婦及王嫗得其詳女至十餘歲漸忘前事矣

政和初建康有頭陀入學至養正齋瞻視不去曰八座兩府直如許多不卽亦是從官有秦秀才者衆指謂長脚漢會居客曰君勿言他時生死在其手滿座大笑時會生十人唯邢之緯負才氣扣之曰是官人畏無衰語秦乃太師檜也魏道

彌良臣范擇善同段去塵拂三參政何任吏若巫
子先後兩樞密錢端脩時政元英用材兩從官一
忘姓名獨邢生潦倒得一官死

建炎四年四月戚方自廣德入境城中震恐知州
事李公光遣衛卓石振諭方振反以虛實告賊犯
城益力壁壘頽圯軍士出戍城虛不支公得前朝
衛士上軍幾三百人授之方畧守禦賊肆猖獗公
怡然壯民心陰用謀屢獲勝捷然圍軋未解有來
告曰日來兵仗間神物出現變化無常願公一

公不聽告者不止公默思民心易搖謂余弃之干
是率僚屬往視乃龍形而爪鬣具焉光彩奪目尾
角或見或隱衆方熟視適有魁者躍上公衣升至
肩肘上下往還若致其意公往往默與之約衆莫
得聞賊兵日衄夜尋遁去朝命大將巨師古觀察
軍事來援公宴次語此神異巨手加頰曰此三聖
也長曰賀息次曰遊奕三曰金甲並爲真君廟食
邊陲現則我勝其形見者是已迺勸公立祠祀之
紹興十七年丁卯四月甲午朔十五日戊申齋首

山天慶觀丹林郎何可道記
魏道弼參政良臣夫人趙氏紹興二十一年十月十六日亡至四七日壻胡長文延洞真法師黃在中設九幽醮先三日招魂入浴幼子叔介年十二持幡伺視既入慟哭云母自幡下垂足入盆忽焉不見已而迎魂東偏叔介卽仆地曰媽媽在此黃布氣吹面卽醒云適僊女數十人衣金錦袍轎四角鳳啣金毳二童前捧香爐唾壺到吾家門再拜請符乘金毛羚羊而去遂覺益所見壇上神虎

召魂魄者也時五鼓就睡又夢入大門將軍長女許金甲青靴殿上人青服青冠執圭坐龍椅上云太乙救苦天尊聞呼第二曹請九天司命第一主者同坐俄空中有青雲起玉女數百捧黃幢迎上清宮第六位至共食僊果叔介爲異鬼如獅子形者逐出將軍叱曰救苦天尊請來對事安得輒逐左右天僊嬉戲自如戴碎玉花冠動搖有聲云是狼芒冠將軍曰三界有體天界逍遙地府威猛正自不同又聞呼都按判官追獄囚廷下約萬人皆

荷鐵校傳引第十人直符使乘雲持牒闕二尺長
衰衣挾此人同上雲去其餘火輪銅柱銅狗鐵蛇
鍛治楚毒三人者公服在其中將軍曰一臨政酷
虐二事父不孝三作監官不廉監官乃吾弟任潭
州稅盜用公錢叔介問如何可救曰除是轉九天
生神章一萬遍又引至鑊湯碓石齧律等獄問將
軍何姓曰舊姓王此間無姓每見世人設水陸請
地府諸司稱崔李判官不若稱幾司幾案又曰吾
幙次甚窄常在壇上便一兩字從吾奏上吾一看

三清二看法師至誠但幙次左右多有穢觸黃衣
人炷香不潔負水人身穢一青衣小兒來天尊前
戲狎天尊怒青詞甚好宣開地獄赦亦至誠判官
聲雄一字讀作潭字天尊主者怒辯之乃濤字也
主者白請放六人判官密言赦文不明止赦兩人
其一則趙氏也將軍曰汝父常誚汝不讀我教尔
聰明呪云無礙遮三界遲奇此江海一磨二磨轉
不覺纜管一覺無礙空每遇節默誦百遍人心如
鏡須常磨勿令塵污又言吾一身五職第一三天

門下引進主者第二黃先生主管文字第三自然
山主第四監炭河王第五執事微不可說引叔介
至炭河無罪者過橋業重者解下服着渡河禪過
岸大木數株所脫衣掛上續以車載從橋行衣上
各書姓名其一標云屠氏十娘叔介拜將軍曰自
別冥間荷將軍慈顧答曰吾當謝汝憶昔與汝同
官曾緣公累賴汝得免今歸時凡此所是爲人道
之使知省戒稱別而行望其家已近母在一室塗
澤車今引至壇對曰黃先生不許孝子登壇母乃

強之偏禮列位請黃石帳前拜謝許內懸空言宿
世冤家皆得解脫從者取盂水喫叔介曰叱之乃
寤自寢至覺僅數刻所經歷連日言不能盡魏公
以事物色之蓋醮筵置龍虎堂兩廂偏近外庖炷
香乃老卒汲水一兵患疥圍中兒每戲聖位前皆
符其語又攷潭字之誤蓋詞文語內云或死於水
濤之中道童書濤爲淘指作潭字不甚明故讀者
誤焉魏公自作記五千言

秦昌齡太師檜從子紹興二十三年昌齡宮觀滿

赴調見達真黃元道戒曰君命不甚求最忌爲宣
州官得之切不可受受則必死已果添差寧國軍
僉判具白檜檜誚責之遂受命至家五日死

乾道元年七月婺源古田汪氏僕三十五正耘田
忽僵仆昇歸舍微喘凡八日復醒云初在田見十
餘人自西來着道服齋箱篋大扇驅令負擔行至
縣五侯廟有人結束若導引官傳旨問來何所需
答曰當於婺源行瘟入復出曰侯不許俄聞廟中
傳呼不卽行別有處分入獄廟復遭逐乃從浙嶺

過休寧謁城隍及英濟王廟復遭逐出徽州三廟
徧走皆不許迨遲至宣州入一大祠數人出迎喜
入白神神許諾効急足報所屬土地以一鬼爲道
自北門孟郎中家始旣至以所齋物感竈下運大
木立寨且各執物巡行堂中二子先出椎其腦卽
仆地婢僕輩或擊或扇無不應手留兩日其徒入
報西南火起亟相率登陴曠弩射之卽滅又三日
報營外火光屬天旣登埤則焚其柵立盡遂散獨
我尋故道以歸里人汪廣調廣德僉判其妹壻余

觀爲宣城尉遣書詢之云孟氏乃醫者七月間合
門大疫自二子始及二婢妾招村巫二人治之巫
自得病死集一城師巫力穰始愈蓋所謂火焚其
柵者也亦大奇矣

歙縣李生淳熙乙巳浪遊至寧國行倦值一笄女
於茅岡桑林含笑相迎自言蔡承務家五十三姐
遭嫡母逼逐得金銀數十兩隨身苟逃性命不謂
邂逅秀才李慕其財色握手登途西留漢川開米
舖七年生一男一女積數千緡忽有道人自稱何
法師望見此女探袖中幅紙磨朱砂濡筆書符以
水精珠照太陽取火焚拋門內女大叫卽滅李攜
兒歸經寧國境訪所謂蔡氏無有也

淳祐七年文公天祥守宣城日夜坐靜室神出泥
丸玩弄之從元處入

后青山趙文祭之曰公在
延平嘗爲我云昔守宣城

獨坐夜分瞻孤燈之相對忽隱几而欲冥覺神出
于頂間恍惚揚乎后前吾瞑目而待之以戲觀其
周旋信異人之異稟又何
羨乎飛仙見夷堅續志

元至元甲午雙頭同心芍藥出城西居民家注澤

民有詩

太祖始居宣城最久往來凡數次當時兵折添兵
糧盡添糧皆取給寧國廣德鎮江太平應天故左
府田糧全免後化成圩進嘉禾一筮九穗者多以
爲民難消受故又詔民糧全免官糧減半見石溪
間筆
塞口山有人家忽被雷火圍擊秤尺斛斗向天焚
滅踰時天霽一物貯於浴盆其狀如鼈殼周傍有
鬚

王昶父子四人方耘田忽暴風雨空中十餘人乘
龍而過俯叱勿耕勿種不戒途中向人言抵家則
室中器物悉什于地茲往生業零替父死于獄而
昶有興和之戍

李濟善毀人且教有力者坐訟忽卧病十餘日云
爲張琰所苦妻問張琰何人曰舊巡檢也每三日
一訊我答必二十今身無完膚矣未幾嚼食其舌
死並同
上

宣城東鄉僊女橋相傳谷麻村有麻氏女及笄未
聘父母並喪遺二幼弟人有欲娶之曰我去二孤
將安託遂不嫁撫之長爲納婦相與若姑婦澹然

終身里人異之稱僊女嘗捐貲珥構榭溪上以便
行者亦稱僊女橋至今俗謂凡娶婦經其上者輒
不妊皆特迂避焉里人並談其事舊志亡載故未
列傳

論曰稗官野乘闕覽博物者所不遺也宛陵開郡
歷代炫久宇宙以來浩乎博矣氣化雜揉神竒變
怪其端曷可究詰哉是以聖人有存而不論言天
下之至賾而不可惡也乃若休咎徵于冥數臧否
應乎慶殃則尤可爲脩身俟命者左券焉豈曰
悠以資其辨河者乎